

陽村先生集

井

水

田七

子

子

陽村先生文集卷之六

奉使錄

奉使日曆記奉使所歷之地所見之事也踰鴨
綠渡遼河以北抵于燕浮河而南入淮泗歷徐
兗之墟溯江淮以達于京師由淮而北過齊魯
之東以涉渤海往還萬餘里城池之大宮室之
壯甲兵舟車之富人物財賦之繁所見既廣而
筆力有不逮不能盡其詳姑舉其略爾噫以海
外慕爾之儒得逢天下同文之日御使命而朝
帝庭因以廣其觀覽以償平日遠遊之志豈不幸

陽明先生集卷之五
一
我是不揆淺陋凡有接於耳目者必記而詩
之非敢為作要自不忘耳余學本淺措辭甚拙
况記事尤難工觀者幸毋誚焉洪武二十二年
歲在己巳秋八月晦永嘉權近誌

六月辛丑出宿于金郊是日雨甚

一統尊王日三韓正始初請朝誠有切至再意無餘
定被天施澤行逢雨滿居家親遠來餞旅館似吾廬
留平壤城都巡問使陸公麗設宴醉後述懷

我生冒昧為吾親我志長在蒼江曲我生奔走為吾
居我志長在蒼山麓親今無恙位已通君恩如天之

同極所以可休不自休又向長途觸炎瘴况逢四海
清無波八蠻百越通重譯三韓自古禮義邦世修候
度尊中國臣今奉表朝帝庭喜瞻冕旒光穆穆西
都勝日開錦筵沉酣骨髓皆德澤醉來狂興成長歌
歌呼萬歲如嵩嶽皇明聖曆垂無彊東藩永世保
宗柘微臣亦得游太和終向江山伴鷗鹿

風月樓賞蓮進退格

萬朶笑集冒綠池一樓風月柳邊迷翠雲蕩漾天無
暑香霧空濛夜正遲自是根株連華岳曾無枝蔓染
淤泥悠然吟弄故來興須信瀛溪不我欺

發隨州路上有感

催車出登道畏日流炎曦駢馳踰山坂馬困人亦疲
行行不自息王事有程期風來草樹動吹我涼膚肌
眷彼病畦者曝背勤鋤犁孜孜望秋稔輸稅身悉飢
我生幸免此奔走何由辭

宿義州

江上孤城地自偏桑麻閭井正蕭然封疆尚賴將軍
略堡障須憑刺史賢古壘草深埋戰骨荒村木岸帶
炊烟今逢聖化東漸日最喜遺黎得晏眠

寄書報家

雙親七十有餘齡心逐愚兒萬里行今日封書報消息
回頭南望若為情

雨中渡鴨綠江

出國初踰境棄撻欲上天波瀾恬不起河漢迥相連
暗淡山橫黛微茫水帶烟三江浮一葉應是望如仙

湯站路上賦蚊蟲

路上蚊蟲滿目飛低回隨馬集人衣莫將利口侵膚
血丰下俄生撲滅機

宿開州城北懷古

自注元初有遼遺種金山金

復設科取士唱榜日城隅面立此城其所負固也

四面崖巒似鈎鉗猶收餘燼欲圖玉鼎中自恃金湯
固可笑通停竟速亡

文德真能致太平詞章焉用赦將傾可憐一掬開州
土呵喝聲中鼓角聲

過龍鳳站溪上歇息通事吳真釣得小魚數十
尾

向午行將歇停轡下路傍細沙憐雨霽高樹愛風涼
垂釣溪流淨烹鮮野飯香遠遊多少事老去說應長

途中作

遠涉荒郊草仍穿茂樹林逶迤山迂轉回復石溪深

渺渺人無迹
冥冥獸有音
往來皆阻絕
日暮可傷心
宿連山站北始有把截軍及女真人家

分水來初過連山去不賒
尚疑穿虎穴始喜見人家
語異須憑譯情交即慕華
中原行漸近遊歷自堪誇
過鉗水站有百戶王禮設酒

我行來自遠今日見王官
甘閣臨青野丹旌映碧山
迎門如舊識設酒便同歡
四海皆兄弟須知帝度寬
宿頭館站近郊

抹馬踰山坂依人宿野田
鳥巢深樹暮犬吠小村烟
夷語居民雜華風外國傳
交通無彼此四海一家年

八遼東城

漫漫平野渺無垠粉堞橫空望似雲傑閣翬飛增壯
勢雄藩虎據稍前聞風塵已息三邊警旗鼓長閑六
衛軍奉使遠遊胡不樂如今天下正同文

留遼東古城驛聞都司指揮同知朱勝胡旻兩

公嘗被宣召赴京欽蒙賞賜回還八城時又

有一指揮賈賞賜錢到遼賜與征北軍人以赴

征遠近為差

勛臣分閫日盛代止戈時詰諭文謨煥爛嘉賞賜施
藩維雄海上節鉞耀江湄賚及三軍士懽呼共祝釐

都司指揮僉事張公興設宴於其第以慰之
杖鉞來雄鎮開軒設盛筵高懷憐遠客豪氣壓群賢
日永尊壺上風清几案前誰論夷夏異談笑共懽然
七月朔丁卯都指揮使賈公珎饋美酒朱胡兩

公皆送酒餽

信宿遼東晝漏長看雲默坐虛堂白衣牽得緇羊
至朱邸分來綠蟻香醉醒却忘鄉國遠客中偏覺歲
時忙乾坤此夕生秋氣好是開樽納晚涼

宿鞍山驛

自注平遼城
六十里至

我生四方志鬱鬱東海隅軀幹已老大未得遊八區

今逢天下恭 帝德隆唐虞華戎奉使命千里來馳
駟遼城鎮海北繁庶真名都桓桓公候老烈烈方召
徒乘時翊天命扶錢恢 皇圖升堂得成禮優待顏
有愉招邀為設饗饋遺仍供厨拜辭出城郭四牡臨
長途莫投鞍山驛迎接有館夫逢人感情義但覩言
音殊信知四海內盡是吾友于晨興又催騎去欲超
天衢

宿牛莊驛古劉家莊或作女家蓋三字聲相近
通用也

茫茫遼野濶地與天相連雲低無涯渚草遠迷人烟

曉

惟南衆山杳隱隱青娥妍征邁屢回者故國是何邊
沮洳路多水馬困行不前駟車者誰子恐泥動推牽
任重道亦遠曷甬當勉旃

過沙嶺驛時有總兵官領海船數百隻輸賞賜
錢泊于遼河

曉發女家庄近岸檣如束蕩蕩千步塲斬草營壘壁
云是總兵官過海輸錢帛賞賚戍遼軍以報征北績
我欲窮盼觀漠漠朝霧塞行邁渡遼河河派甚渾濁
日高天始開曠野望無極蚊蟲撲馬飛擾擾難駟逐
向午至沙嶺觸炎苦煩酷急呼汲泉來水似潑天黑

進思紫霞洞清溪漱白石松陰滿地涼六月層起粟
今泉處處生甜漿真靈液山川淑氣鍾名藥多堪斲
海中三神山詎非為我國終當啟去來卒歲樂幽獨
晚發沙嶺夜行九十里達朝至板橋驛避暑也
然蚊蟲又甚焉

遠客冒炎暑旅館來歇身落日下平野晚涼天氣新
乘此又征邁反以勞我紳蚊子蒲草際紛然飛聒人
將帛裹頭項尚自侵肌類泥深路脩阻夜半行迷津
不知南與北仰面瞻星辰雖云免煩熱奈此多苦辛
黎明始投館艱難焉具陳

板橋驛欲發程擔夫有未至者留待其來及晚
而行路淖馬跌衣縈盡濕夜行二十里至蘆溝
鋪前途水深不得復進有屋低濕鬱蒸良苦屋
上覆以土平坦如堦登攀待朝蚊蚋之苦倍加
於前黎明行至十三山驛尹平理以下皆跌路

泥馬困也

自注十三山驛前有石山三峯對峙
通事李玄六十三山無乃石三山耶

華言石與十聲相近
其言甚當故詩作石

清晨欲發程擔夫有未至淹留待其來日已將夕矣
王事不可違行行更催騎馬倒泥水中我服盡沾漬
因思式微篇永矢向君志扶携倒蘆溝前途復多水

小屋甚低卑難祛鬱蒸氣屋上平如臺登攀猶可喜
又苦蚊蚋多咬以如針箝驅除無暫休達朝不得睡
尚嫌夏夜長星斗屢瞻視黎明始啓行路上多顛躓
及至石三山始悅泉甘美新浴且澣衣自慰仍撫已
故來各相逢說此應今齒出險要不忘聊以作詩記

宿連山島驛是日七夕賦牛女

迢迢河漢耿耿牛女星此夕有嘉會飄然通精靈
歡笑別難多世俗輕嘲侮寧知天上日一歲一朝暮
萬古常若斯此是久長期若使日諧好顏鬢曾已衰
天孫萬古在世入幾迂改如何不自悲却嘆神仙會

過曹家在驛路上望石塔

自往遼東護送鎮撫許儒真言其下有溫泉

泉

客行曹家道石筍長參天仰望久嘆嗟莫知所由然
許君向我道其下有溫泉我欲洗塵垢靡監難留連
徒將未澣衣揮汗行翩翩安得與童冠詠故春風前
過東開驛有欽差二人頌賜軍人冬衣

七月方流火冬衣早已頒我歌安且吉馳日過東開

宿汝河驛

自注自牛莊至汝河高嶺諸驛皆海西侯納哈出故附後洪武二十二年

九月
所立

聖代開邊日胡人納土初驛程新館宇間井舊丘墟

野豁雲垂地山橫黛八虛迢迢遼海右萬里引舟車

過瑞川古城自注在沙河高嶺二驛之間

森森喬木蒲空城古井烟埋水自清下馬讀碑思往事隔林蟬噪送秋聲

宿山海衛還安驛古長城之尾還門鎮也自注北樣

大山南臨大海故名焉

劉北長城固燕東重鎮分雄邑山海大威制犬羊羣
統郭池生浪糴街柳拂雲塞門天下隘備禦要屯軍

過榆關宿蘆峰驛

榆塞秋初八蘆峰雨已晴晚風吹袂好新月照鞍明

渺渺鄉關夢悠悠驛路征
官遊像靡及白髮忽添莖
到永平衛灤河驛指揮來
請至衛司廳設宴

盛代提封遠高城設險堅
市堦連郭外墻屋接河邊
婉轉歌姬舞雍容地主賢
通遐同一體聖德大如天
指揮管童前元丞相也速
之子本國奇平章之
壻也請留對以王事之急
柔月渡小大二灤河
宿七家嶺驛路上許鎮撫
唱月明行路好一句
因是之

瀚海秋無浪灤河夜渡船
月明行路好此去是朝天
宿永濟驛路上詠堦子

自注自遼東至山海衛
每五里置一墩十里置

煇候築土為之高數尺自山海衛以西至北平
海十里置一墩以竈為之塗以白灰高數十尺
廣輪數十圍虛其中以通烟火又結層欄於前
彼此相望若地勢有阻碍則必烽火相望可
為之非但知道里遠近使有警則相望舉
火以候變也自北平以南小東諸路所無

亭亭候子白如雲十里相望路自分過了此邊還過
彼長程西日又將曛

宿薊州漁陽言述古今

薊門風起動胡塵蜀道迢迢泣玉人畢竟遂臣生賊
子天心報效最昭陳

有北胡偽左丞勝吉挈家投降燕府來宿是驛

自注將駱駝四頭

馬三十六匹車五兩

塞北降胡至風沙已絕蹤妻孥隨馬隊童豎蹣跚峰
飲漣難支日蒙裘莫禦冬故應圖賞賚王國遠來宗
八北平城前元舊都也

翼翼都城鎮四方百年財力亦雄強楚聲忽入酣歌
裡非是天亡自連亡

到燕臺驛進見燕府先詣典儀所所官入啓以
是日先太后忌不受禮命奉嗣葉鴻伴接到館
七月十五日也

聖代宗文盛賢王爵土尊都城形勝壯市巷物華
繁白玉開宮殿紅雲繞陞軒齊居停受禮翼翼孝恩

敦

十六日朝典儀所引八端禮門

王坐承運門受禮又命奉嗣饋食奉嗣引至西園典膳所致食

端禮門前曉日明甲光輝暎擁親兵諸祀當殿趨庭
譯異味來厨賜坐傾鹿囿雨晴纖草茂鴈池風過細
紋生少年奉使游觀之老對兒孫字細評

典儀所官張公請題燕山老人開山行旅圖

自注

周叅政倬使還詩僕為序
故知僕為儒請之不得辭

縹渺開山裡行行路自通少年遊歷處晚歲畫圖中

野店經春雨江舩避晚風
故來古勝境黃髮伴田翁
旅館看圖畫江山興自濃
雲深埋水石地古長杉松
未解河舟纜猶聞岳寺鐘
遲遲驢背客政是愛三峯
十二日將辭燕府 王命葉奉嗣饋食如前令
留賜宴

公館開華宴 親王慰遠人
泛尊醪既旨凸案味皆
珍剪帛簪花重裁羅舞袖
新仁恩醺到骨大醉發天
真

十八日進辭時 王詣佛寺燒香
先太后朋忌也兵衛其衆既
還賜鈔又命奉嗣致饋俄又有

三王子連騎而出亦詣佛寺燒香也

旆旆甲冑擁街頭日照紅雲滿地浮駕出端門儀衛
備金旗翠扇望如派

和色溫言接外臣三朝連賜內厨珍又頒楮幣恩偏
重為体吾皇一覩仁

蕩蕩天門白日高殿中端拱絳紗柅遠人獲覩尤奇
事三鶴聯翩駕鳳毛

是日到通州通津驛發船古之桑乾渡今謂之

白河亦名潞河

晚出城東路宵登水上舟身從千里至心共一河流

浩渺天光遠澄明夜氣浮吾生同泛梗蹤跡自悠悠

十九日到直沽里南北二河合派八海處也

自注

北河順流而下
南河逆流而上

勞勞馳傳客喜此乘畫船打鼓櫓聲發長河雲水連
檣鳥疾於馬晝夜飛風前倏忽數百里撥舟驛樓邊
日暝開流上又煩人力牽誰知朝宗意與水俱沛然

過流河驛

自注河間
府清縣

混混河流濁荒荒岸草長墜人牽絲纜遠客逐牙樞
水逝嗟浮世雲橫望古鄉百年能幾日奔走鬢毛蒼

過滄州長蘆縣

日出河霧空舟中睡初起夜行問幾程忽已將百里
盪櫂倚船窓颯然風來水節序逝如流我行靡所止
泛泛遠乘查恋恋思陟岵時其望東南故意滿江渌
過磚河驛燂湯洗澡

落日下洲渚水夫來遙舫垂揚陰庭戶古館何清幽
燂湯洗塵垢兩腋風颭颭黃昏牽百丈又溯河之流
江空煙霧消水闊星辰浮偃息拖樓底晝夜行不住
但知道路遠未覺跋涉憂松山數千里回首良悠悠
隔岸有虫聲如聞故園秋豈無感時念惻惻生旅愁
王事信靡盬我身難自由古人畏簡書此道誰怨尤

況此桑弧志及壯當遠遊去去達江漢觀光

帝王州

冒雨過吳橋縣連窩驛

遠衝三伏熱喜得一江秋颯颯風吹暢霏霏雨洒舟
驛樓蔽柳岸畫鼓啟蘆洲又泛南河去吾生本自浮

過德州安德驛船上有古扇尹評理請題一絕

古館陰陰枕水傍綠槐深處日何長畫船就得齊紈

扇分與行人一片涼

四女樹

自注德州之南四十里濱河有老槐一株幹長丈餘枝皆傍出縱橫覆地多用

木枝柱之若本國漢陽松其下可坐百人以其初四女所植故同各其地為四女樹店

織織女手種槐枝柯葉縱橫近水湄滿地清涼消酷

熱百年陰德使人思

過古城縣

自注自通州府行至此已過千里

遠來千里外尚在一河中岸轉知舟過星涵覺水空
橋烏元逐浪盡鵲好迎風八月秋將近乘槎興不窮

過武城縣甲馬營驛

中河日晏尚酣眠百丈能牽上水船夢覺一聲橈鼓
裡始知行到驛樓邊

舟中記事

自注由北平至京師水驛數千里河

且至三四

其曲盡行既午西日在右避坐於左

俄而舟向

北則日轉於左避之而右則舟又向

南日還在右夜現北斗或在舡尾或在舡頭又
或在傍變近無定以此識舡行之向方也

一水蟠回萬里通愁腸正與此河同舡窓日影須更
變忽在西邊忽在東

迢迢河漢水相通八月乘槎也自同浩渺不知身在

處仰看星斗認西東

次舡板上詩韻

自注予自遼東至北平歷馬駟

一十一見廳壁

舡板題詩

多矣音律或多不叶

至書古人詩亦或錯誤失意如書老杜句作江

碧鳥逾白此類甚多吾東方駟館寺樓所題亦

多類此予嘗愧中國之來覩者中國乃反如是

耶予在北平時周參政倬之曾曰瑤克肖者也

來與予語壁上有自謂謫公後之人之作亦此

類也瑤笑曰題壁者豈有知詩者哉徒取笑外

國耳吾東人之謔有日教子能不題壁是矣周

氏之言與此相契意必中國亦有此等語也至此駟船板有書一絕曰湖海遨遊二十年今朝又上御河船秋風好送征帆去晝夜何勞百丈牽只此一省為勝故錄之因次其韻

萬里遊觀及壯年
念念馳傳又乘船
西河過了東河
去高枕閑看綵纜牽

過魏家院蓮蒲洲渚連亘十餘里自注距臨清縣八十里

遠泛長河厭濁流
今朝喜見淡如油
蘋花浪靜清無底
菰葉風輕美自柔
楊柳一村羅幕重
芙蓉十里錦

雲浮空蒙水面凝
香氣疑是身登太乙舟

過閘口自注鑿河址流每至地傾舟難通處必積石為梁以瀦上而注下使通舟行謂

之閘其口隘而流疾臨清縣有三閘其二在河口相去甚通登岸步過其一稍遠用二絳挽舟

而上然不甚疾夜到東嶽府崇武駟前有一間
甚險舟却而退添三緯盡人力而後得上適無
欲行水夫云上流復有七間不可夜過因留宿
焉明日果歷五間其二尤險上岸而過及至荆
門驛其前又有二間舟上綽絕又却而退再進
得達其一亦不甚險也每遇間必有操心因作
詩以自戒云

長河沄沄千里奔閘口急流如倒盆拿舟欲上萬鈞
重弱纜持檣相輕軒隨波却退又復進臨險慄慄飄
神魂篙工叫呼人力盡倏然飛躍登龍門優游遠迹
自可樂數里更此遭艱屯人心變化逐境異小杵感
感順則欣惟危易溺甚於水要使戒懼常自存吾儒
謾讀十六字到老不省終狂昏

過安山湖

自注湖廣數十里其源自西而東下達濟南其支北為清河南引大河皆

疏鑿也余初疑河水本濁而北流稍清蓋河入

此湖之南隨而東注湖水停滯則澄而北注其

北流者湖而非河也湖之北有蓮洲洲心有碣岸有人家

雨宿依涯渚風行泛渺茫蒲洲欣遇沐蓮浦愛吹香

事挂餘碑碣堤平接屋牆櫓搖收綵纜帆掛上危檣

濟臣憑三老朝宗會萬方愧非專對學空賦遠遊章

極目湖光闊回頭驛路長鷁盟慚久負烏哺嘆皇將

泛梗元無定恭乘自有鄉故來聊卒歲朝夕奉高堂

八黃河

自注自湖達河十五里河口填塞水淺無難進水夫猶喜報云此水涸旬有餘

日頃者站船至此不得行別估小船以進今幸有雨水生舟可達河及既入河適有東風颭流

西上舟行自疾夫過涸水得雨溯急流得風非
有夭助能然乎我國家事大之誠能感天地可

信矣

淺水行舟欲進難篙工猶喜雨增瀾推移得達黃河
裡更快張帆溯汗漫

三韓僻在海東堦事大誠心格上天夜雨洒添將涸
水秋風吹送溯流船

黃河

舊聞黃河天上來今見濁浪連空開東流奔放疾於
瀉颶馳電邁聲駘雷龍爭鼉吼振鬣鬣怒濤極目高
崔嵬或如甲騎戰平陸刀槍奮擊何雄哉東風吹帆

陽水集卷六
溯流上快若逸驥施鞭催小生遊燕歷齊魯欲賦遠
遊慚非才自將省中有豪氣俯視河水同看杯唯思
禹功被萬世倚觴發嘯聲正哀

過鄆城縣兩河口鑿河南流以通于泗自此至

淮安皆順水

搖櫓聲中款乃歌輕舟南下捷如梭
公派自有悠然趣高倚船窓盡日哦

過汶上縣開河驛又過濟寧州城南驛

汶上乘舟落日斜櫓聲咿軋水生波
夜深直過濟寧驛百里風煙知若何

過魚臺縣谷亭驛次船板詩韻

日出霧初收兩岸蘆花已是秋
壯歲忽驚雙鬢改遠遊方覺一身浮
舟中覽物添詩興枕上思故動
旅愁處處繁華雖信美自非吾土賦登樓

過沛縣泗亭驛

自注河東南注泗水面
來會于沛城之東

僻處箕封國嘗觀禹貢書
今來過沛泗更得問青徐
溝洫方主後風雲赤幟初
夏亡流水在劉躡古宮餘
橋市輕煙鎖船窓過雨踈
悠悠思往事停棹為躊躇

過徐州夾溝驛陰雨舟中述懷

我行半天下與在一室同
舟浮數千里溯汾河水中

崖高波流下跬步望不通雖遭堤平處陰雨彌長空
山川且莫覩况乃文物豐逢人欲有問語異難開聰
相對各默然直是如盲聾所以志不展鬱鬱常在骨
安得有羽翅飛上凌秋風固觀八極外故來臨華嵩
下視小天下一覽超鴻濛

過荆山店

自注在夾溝驛下三十里

江上峰峦點點青紅樓碧樹望如屏舟中獨唱漁家

傲鷗鷺雙飛下晚汀

夜雨泊徐州城下

自注有二河會于城之西北隅一自北由夾溝而下一自

西由汴梁而來其源皆出黃河

風雨凄凄任畫船夜深來泊古城邊曉窓忽此還
夢萬里驕心更歎然

過房村驛

自注驛南有石灘二處謂之呂泉洪上難因雨多水拿舟而下其下多大

石在險舟下得過登岸謁龍神廟有碑元翰林學士盧摯文也適乘他舟以行南岸眾石磊磊

出草間如放羣羊余初視以為羊更視之石也水渚又多露石色皆青嘗觀禹貢徐州之賦有

洄濱浮磬吾意是古鑿磬處也

夜雨浪浪河水生石灘容易泛舟行焚香拜謝龍神

惠只諒勤王一片誠

岸頭眾石似羣羊疑是初平舊牧場聞道泗濱浮磬

出磷磷碧玉露河傍

過邳州下邳驛泗水東流沂水北來至邳州城
西而合

迢迢殊方客汎汎中河舟鼓枻八淮泗萬里來浮游
宛彼下邳縣會此沂水流渾然共無迹晝夜逝不休
求懷捨瑟者曾次良悠悠從容得自適誠異赤與求
伊人已云遠高風千古留乾坤雨初霽灝氣凝清秋
郊原庶物富巨細皆可收我生在僻陋夙昔歆嘉猷
今欲趨闕里俯伏陳東脩詠故舞雩下以寫鬱蒸憂
思之不易得佇仰頻回頭溪毛尚可薦此意空綢繆
放歌扣舷歎商聲蒲汀洲

八月初一日夜過宿遷縣鍾吾驛

海上三韓使河中八月搖星臨雲漢近地隔路歧餘

遠泛身如梗頻搔髮欲華夜深風露氣秋思滿天涯

過清河口驛

自注泗自北淮自南至北驛前而合又其東十里大河經流自此而

來合于淮水駛風逆拿舟而下

浩浩三河口風濤怒拍天孤櫓危自負輕纜弱難牽

不欲凌波上唯思泊岸邊順流猶未易注目正茫然

發淮陰驛

自注驛西築堤為堰其兩邊各置機輪幹舟而轉以置開河之中謂之埧

蓋開河地高水不得通淮故也而有大和衛南有淮安府皆大城也

城郭連雖鎮舟車會要衝地平家蒲岸江闊浪掀空

轉艦機輪壯開河水驛通買羊酤美酒共醉樽中

過白馬范光二湖

日落湖光闊風生水氣涼浮雲相蕩漾遠樹自蒼茫

遊歷誠堪託咨謀愧靡遑孤帆侵夜色獨坐見星芒

過高郵州

自注前元至正甲午年間羣盜據有
此城命丞相脫脫征之請余往我

送精兵以助

四面長河百雉城熊羆皆服我師精魚書孤火今安

在漢帝龍興致太平

過儀真縣

自注路逢本國宣州人李喜身自言
從本國金義征進南蠻克捷而還義

今為儀真衛指揮喜身為
淮安衛百戶發向本衛

路逢鄉士笑顏開見說王師萬里回自是天誅無敢
抗只諄驍將海東來

渡揚子江

海日開陰霧江風滿畫舫無城高樹外瓜浦片帆前
隱隱山橫野茫茫水接天中流宵次豁四顧正悠然
宿龍江驛緣江石壁新構觀音殿鑿石置屋半
出空中

地遠江流闊山圍石壁長庵開屏障盡橋束羽林槍
自牽觀中國時還憶故鄉白雲橫海上滿目盡蒼蒼
奉天殿朝見後賜宴于會同館

五夜金門闢千宮玉珮齊軒墀仙仗集宮殿瑞雲低
帝澤淪肌洽伶才棄眼迷賜造邦避酒兀兀醉如泥
謁文華殿

青宮近在紫垣東玉色端臨寶案中四海謳歌心共
戴萬年宗社本彌隆春光諠諠淨深殿日表明朋照
遠空誰識三韓傾嚮懇千秋申祝倍巨工

初八日進謝賜宴仍辭

晚隨羣彦入金門咫尺天威望至尊風雲煥爛香滿
殿雲移仙仗日臨軒公堂賜宴恩難謝禁陛辭故語
更溫芝出掖垣猶跋踏此心應是到家存

聞十國

自注舉晉燕齊
楚周蜀魯湘潭

親王皆朝京師

列爵分茅土仁親庇本支復行封建日斯有會同時
麟趾周宗盛龍顏漢業熙小臣聞盛美歌詠載成詩
初九日朝在會同館欽聞駕幸潁國公傳友德
之第問其疾

聖主仁深禮大臣鑒輿問疾寵光新渾家厚荷生成
德圖報唯應有粉身

是日出宿龍江時帝以壬年尚幼亦不許入朝
海國朝宗志天皇字小仁派言空擾擾聖訓更諄諄
出郭踰橋市登舟宿水濱紫金山漸遠却望首回頻

自注紫金山古之
鍾山今京城之鎮

儀真舟上遇其衛鄭夕即只金義二指揮立談而

別

自注二人皆本國人也即只夕嘗在前元與
崔濡等謀立本國庶孽為王未侵邊境兵敗

而走金義殺朝使蔡斌而逃皆投納哈出又從
故朝得為指揮征遼之役二人皆赴時義母在

本國義問
之無憾容

邂逅河堤上卿音尚自存髻華霜雪落身事雨雲翻

萬里成勞敗三韓有故原立談猶問母曾是孝心敦

重過高郵城

十里孤城廣野中六橋高似卧波虹輕舟直截千門

過一水縱橫四面通

舟中細雨

閑倚船窓午睡餘
一江秋雨碧踈踈
綠蘋紅蓼汀洲
靜安得披蓑坐釣魚

漁父

浦口醒風蒲客舟
白頭翁在白鷗洲
一江烟雨蓑衣
腥笑殺征人老不休

淮陰驛阻風雨

古館逢秋雨長江急
晚風淹留故路阻
寒落客窓空
懷土情無極登樓望
欲窮河流緣底急
日夜向天東

宿小金城驛

陽木集卷二
旅館人稀秋夜清
碧天雲霽月華明
悠悠枕上數故
路不寐屢聞長短更

宿沐陽縣僮陽驛賦中秋月

去年中秋訖月時緩舞妓歌行玉卮
今年中秋客遠方明月清風如故鄉
故鄉今夜說遠客遠客孤吟憶疇昔
人生百歲有哀樂月光兩地都照燭
君不見公子華遙媚清夜高歌起舞
清輝下又不見深閨思婦情悄悄金
波照眼雙淚懸停杯對影亦風流歌
枕不眠生旅愁自是所感有異別天
上孤輪常皎潔我今更欲一問之月
有虧盈人別離破鏡三五當復完在

夫幾日刀頭環白兔有藥空自擣姮娥孤栖今欲老
安得刀圭使八唇朱顏不變長如春及當月圓人亦
圓金尊相對俱歡然

過興國驛

淮北辭舟楫齊東得路歧愧無題柱節將慰倚閭思
野豁秋風遠天低落日遲郵亭望中過一一數堪知
過上林渡有老夫操舟

秋郊雨足漲溪流揚柳陰中漾小舟多謝長年今白
髮濟人南北不曾休

十六夜宿上莊驛

故鄉人未去今夜月仍圓旅宿那堪睡羈愁自可憐
壁空燈影照樓暗鼓聲傳萬里身拘役敢遂渺海壖

宿付曠驛逢贊成事安公

宗源知密直皇甫公

琳同宿而別

自注安公進賀聖節
皇甫公進賀千秋

驛路將歸客天門慶會臣相逢千里道俱是一邦人
談笑真如夢分雉各恡神何當鵲峰下重與洗行塵

宿樺林驛

客卧虛堂月正明淒涼風露欲三更忽驚枕上持環
夢知有窓前擊柝聲萬里羈遊身尚健十年經術志
無成嘒嘒不用嗟生晚自幸如今見大平

宿諸城縣東關驛

海上平原廣城東古館深粉牆明繪色碧樹茂秋陰
倦客思鄉念寒虫繞砌音淒淒不成寐何處擣清砧
宿立西驛

憇宿立西客將故海北人一心唯報主萬里更思親
驛路加餐久鄉關入夢頻悠悠遊官裡奔走馬蹄塵
宿諸橋驛

王事駟馳不自休八朝天關過萊州東峰日出扶桑
曉北海風來碣石秋閭井一村桑欲落田原千畝稻
初收幸今四域同文軌及壯何辭萬里遊

次圃隱鄭贊成韵

恭運逢何易，周觀亦得難。
舟行徐克地，道過魯齊山。
海國攸期近，郵亭醉夢殘。
遠遊僧素志，不用貴長閑。
宿黃縣龍山驛逢欽差二人同飲

長堤日落欲黃昏，馬首東故指縣門。
漠漠綠楊孤館路，難難紅棗幾家村。
山橫野外秋光秀，海近城隅夜氣渾。
幸是相逢傾蓋舊，一燈談笑共壺尊。

宿登州蓬萊驛詠懷古迹四絕

蕩蕩陶唐乃聖神，授時賓日最勤民。
信知帝德如天大，賜谷和均四海春。

祖龍鞭石竟無功誰見神山不死翁三十五年真一
瞥終教鮑臭蒲車中

方士紛紛競騁邢漢皇何不鑑秦家武陵異日生秋

草萬里空祠萬里沙

自注萬里沙神名武帝求仙到登州祠之而還

手脚生蛆衆力瘦人心天命已難隋樓船百萬終安

用薩水流尸自可悲

留蓬萊驛待風次壁上尹贊成韻

鄉程連海北郵傳過山東寂寞空消日淹留致阻風
馬蹄塵未拂鴈足信難通濟險當終古操心要固窮

翌日又用前韻

旅泊秋將晚
飲心日向東
帷空憐缺月
水冷畏寒風
遠地身方倦
滄溟路不通
蓬萊多羽客
有力濟吾窮

曉雨作

為客八千里

自注由本國抵北平朝
京師還至登州八千里

思親十二時
羈

愁難自遣
秋氣復堪悲
季子裘將故
揚朱淚欲垂
不眠天又曉
風雨颯淒其

紀地名詩三首淹滯之中數其經歷也

北渡桑乾水
南浮揚子江
金陵朝萬國
鍾阜鎮中邦
齊魯宗親盛
幽并醜虜降
三韓非化外
松岳氣鴻龐

雨暗沙門島風高碣石山燕鷗今已至遼鶴幾時還
水接蓬瀛闊雲橫海岱閑扶籬何處在夢繞紫霞間

黃縣秋風晚青州落日沉浪江旼路阻渤海客愁深
方丈疑無有嗚呼吊古今隅夷東表地渺渺望鷄林

登蓬萊閣

蓬萊古閣在高丘破礎頽垣野草秋徐市不還天渺
渺安期難遇水悠悠鼉噴雪浪長風壯鼇戴神山灝
氣浮秦漢到頭何事業白雲千載使人愁

謁龍神廟

斷峰臨海閔宮深肅肅令人起敬心風送舸航祈必
應日修香火祀時忱仁洪廣濟含溟渤利涉資生配
大陰萬里朝宗今過此冀將神變到鷄林

九月初二日發船泊沙門島待風

秋晨天氣佳和暖如春晷篙師乃發船海晏波不起
來泊島嶼中祠宇肅清閔利涉賴陰功默默心有冀
沙邊數店小落日相投止同州五六月沽酒交歡醉
澄明暮天晴空翠無涯淚放心若懸旌搖搖待風至
宿島上村家聞鄰婦夜哭蓋由倭入寇害其夫

也

海賊侵孤島空村氣慘然可怜夫殞命唯有婦呼天
清血沾雙袖哀聲徹九泉夜深聞愈切遠客為無眠
初三日曉有南風欲發船因一總旗船未至留
泊而待既晚乃至其夜南風甚快又曰總旗船
未致祭遷延至初四日既午乃祭風轉而西不
得發船留宿舟中

引逸天心顯遲違人事非得風空有喜越海却難啟
漂泊經時節淹延送夕暉舟中高枕卧去住任神妃
初四日二更得風發船

九月南風夜又來海天空濶片帆開雲收北極星辰

遠水接東溟，島嶼面破浪。早懷宗慤志，棄符誰取仲。
由材從今眼底難，為水小視真堪似一盃。

過嗚呼島

自注俗謂之半洋山

蒼蒼海中山，萬古浮翠色。觀者盡嗚呼，為吊田橫客。
一士足可王，擾擾多五百。天命已有故，人固難容力。
苟得小者候，猶可存宗祏。如何却自裁，以比經溝瀆。
死輕尚能堪，義重寧屈辱。田宗既已亡，為正于誰屋。
欲報平生恩，殉身是其職。烈烈志士心，永與雲水白。
至今有遺哀，凜凜秋氣積。山飛海亦枯，忠憤無終極。
初五日到旅順，口風順不疾，舟行甚安。

海入蒼山口波掀白石頭要津曾置驛曲浦可藏舟
水共長天濶身無一世浮順風帆自穩涉險不知憂

宿木場驛紀事四絕

客從海南至還望海北雲始知一山外海水隨處分
窓來北海風門到南山雲風吹山雲散蒼翠增一分
客行萬里道日夕望白雲人與白雲似飄飄南北分
冥冥夜來雨漠漠秋空雲雨雲八夢散惆悵嘉期分

雨中過金州途中作

海畔青山草樹秋蕭蕭寒雨瀟瀟袞荒涼野路行人
斷駟馬東歸不自休

夜到孖蘭店驛

雨止雲猶密天昏夜向深人從泥上去魚在草間吟
淅淅風吹帽淒淒露入襟遠投孤館裡一路暗難尋
留孖蘭店驛無馬也

久客思鄉故意忙出門無馬又彷徨天邊殘照日將
暮海上高風秋自涼那堪異域對搖落獨向愁時歌
慨慷東望羣山更悵悵安得六翮如雲長

初九日出車一兩曉發孖蘭夫剝九月之卦也
有君子得輿之象今吾儕以重九得車復而將
泰之吉兆也喜而志之

九月陽欲剝君子方得輿來復恭將至景征終有譽

宿麻河鋪車遲不及復州驛也

日落客程遙野風吹淅瀝十夫挽一車艱重如轉石
寸步不能移故心徒自迫憇宿路傍鋪寒虫助悽惻

早發過復州驛舍車得馬

孤館候天明駟車客又征風高秋草老霜重敝裘輕
輾轉踰平陸招搖過古城還能乘馬出自幸不徒行

宿蓋州驛

鄴亭寒夜長孤客耿無夢鴈過旅情多鷄鳴故意動
功名徒自勞經術終底用歲晏芳樹凋良辰誰與共

重過鞍山驛

雀噪空庭日似春，一盃真可洗行塵。
客遊萬里無相

識，今日欣逢舊館人。

題隱微堂卷

自注：隱微，春暉壽慶三堂，皆遼東館夫之自扁也。

慎獨工夫在隱微，須將誠敬暫無違。
靜時常著操存要，動處先觀善惡幾。
幽顯自來非異致，聖賢終是可同歸。
子思絮緊為人意，位育中和只一機。

春暉堂

高堂縹緲白雲橫，遊子思親每悵情。
自愧匪莪愛覆育，難將寸草報生成。
春暉常煥手中線，曉雪新添頭

上莖故慰倚門應未遠皇天必感孝思誠

壽慶堂

黃岡杳杳天一方中有孫家壽慶堂
草歲趨庭已聞禮如今陟岵頻沾裳
俱存無故樂斯在靡盬不遑愁更長
心祈遐筭松椿壽手展新圖桑梓鄉
晨昏每嘆古甘缺頃刻何嘗思慕忘
可憐孝懇格天地終得榮養辭戒行
君不見三韓亦有具慶者萬里來遊
歸意忙看君此圖倍惆悵不暇悲君
還自傷

發遼東宿鐵場村自此至都羅里所居之人皆

本國派民也

時節方搖落客行今欲旋北風吹塞上西日轉山前
問道明紅葉村家暗碧烟居民皆我俗象譯不須傳

過鴨綠江

遠遊塞北與天南今日沙頭又係驂鶴野耽山青似
黛鴨江秋水碧於藍故鄉屢入客中夢異域終故醉
後談喜聽庭闈消息好不辭杯杓已沉酣

過鐵州聞知州妻死節蓋倭入寇獲知州之妻

其妻自投于水賊共援之敬嘆不敢近購以金
贖知州貸人白金而贖避之他所又為賊所擒
無金莫贖妻不屈節遇害

江賊侵凌數邊兵備禦疎真城不固節過空增歎
教水生何惜無金慟有餘誰編烈女傳奚烈之褒書

奉使錄終

陽村先生文集卷之六

陽村先生文集卷之七

南行錄

襍著序已巳仲冬晦以言事竄牛峯未閱月國
家代德又為臺評所貶遠謫寧海風霜辛勤山
水跋涉可恠可愕觸耳目而駭心膽者極矣方
有去國違親憂愁痛憤之感雖欲作為歌詩舒
憂娛悲所不敢也又不忍也明年春又移興海
則去國已踰三月天道已至小變憂愁痛憤未
若其初之甚似可以有言也窮荒寂寞之瀕又
無所因而感發故啗無歌詠殆半歲矣夏閏四

月又遷金海路于永永之守鄭君三峰相之嗣
僕嘗試其入學者也請賡小樓大臨韵大臨予
執友也今在蔚同竈也蔚去興海僅數十里隔
岸相望思之而不得見也觀其所作能無感歎
况鄭君之請勤乎故用其韵自後繼而有所著

云陽村誌

大臨河浩亭字也

次永州小樓詩韵

鄭君為政似前修端合明時出宰州闕下分符宣聖
化邑中歌袴解民愁千畦沃壤開簾見一帶長川繞
檻流十載宦途將老大謫來江海得清遊

次清道郡清德樓詩韵

日暮登樓客蹉跎欲白頭樹風如送雨麥氣已生秋
邑古坤靈秀山橫黛色浮流離還得幸青眼有賢侯

次密城嶺南樓韵

高樓百尺控長天風景森羅几案前川近水聲流檻
外雲開山翠滴簷邊千畦龍畝禾經雨十里閭閻樹
帶烟匹馬南遷過勝地可堪登眺忝賓筵

次金海燕子樓詩三韵

駕洛遺墟草樹青海天空闊眼增明樓中此日登臨
客去國難堪戀之情

玉手纖々二八春舞衿羅襪動香塵文章縉隱琴中

趣能綯高風有幾人

自注效玉纖纖者善彈琴故宰相縉隱田公嘗侔雞林愛之贈

一絕玄海上仙山七點青琴中素月一輪明世間不
有纖々手誰肯能彈太古情公後出鎮合浦呼置左
右日使彈琴樓中題詠多用其事首篇即其韵也

海邊逐客方留滯天畔高樓可上臨一代風雲成大

古千秋陵墓至今

自注金海即首露王所都陵墓尚存燕飛簾幕黃

梅雨鶯轉園林綠樹陰寂寞壯心驚節序幾回西望

費長吟

巖遯朴君能詩善書予舊交也不見已十餘年

矣時客于金海相見叙舊曰贈予詩累十篇

次其韵酬之

自註朴詩當別錄
藏之以為後觀

末路少青眼故人唯赤心
幾年南北別鴈斷與魚沉
萬事變雙鬢百年存此心
相逢開一笑清夜靜沉沉
遜世潛龍態栖岩老鶴心
應嗤人代裏薄俗自胥沉
勝地何嫌謫清談可會心
贈詩因絕妙措意最深沉
遐想絕塵累高才降我心
誰憐岩壑底竒寶久潛沉
歲月棄榆景風霜松栢心
何嘗將外慕帆過嘆舟沉
明奪禽婁目齋傳顏子心
德馨薰佩服不用貴檀沉
處世真如夢思君謾有心
不眠清夜永星斗曙將沉
陟岵思親淚登樓去國心
茫茫浮宦海何路免淪沉

天資同櫟質學術有逢心自愧虛名誤曾宜晦且沉
又酬巖遜見寄

少年攀附交相熟今日團團意益親以我海山三黜
客羨君天地一閑人

巖叟潛光能自逸陽翁負罪有誰親何當得脫樊籠
累共作林泉物外人

金海舊無倖去年以合浦節制使兼領府使以
其位尊職重不能親蒞府事又置判官以副之
吾友李君敢方為之今聞節制使解其兼而府
使復出李君以為節制不兼領則判官亦當革

即棄去群議以為府使雖復判官不能遽廢且
慕李君為政皆願其復來岩道作詩以送予亦
次之即前詩韵也

為客賴依賢地主論詩又值舊交親似聞解職將歸
去自後誰憐遠謫人

二年吏理清如水一郡民情愛若親河內寇公當見
借由來天道必從人

梁州城樓詩并序

梁為州瀕于海倭耗尤甚遺民避地僑寓於金
海之村僅守官號者數襁戊辰晉陽河君得乎

為宰君文學儒者屈於防邊蔽郡為失其所故
時按部黃驪李公憫之特枉駕訪問留詩以慰
繼而和者有若松堂草屋飯牛叟諸公皆時之
選也厥後河君見代黃驪松堂相繼為內相牛
叟先徵於栢臺草屋再入於薇垣梁亦成城民
復舊業梁有再振之勢而題詠者多至顯榮誠
可嘉也庚午夏沈侯于慶以萬夫長兼宰于梁
河君以朝命董益課于金會遇而言欲以其詩
揭于城之樓以為梁榮謁予謫次請記其事故
書于左若夫城梁者河君之志而李君申成之

今沈候又踵而完之三君協心克濟登茲梁民
繇是按堵如舊永奠乃家尤可嘉也故併及之
因次其韵

古邑遭漂蕩賢侯繼作為民醇猶守禮訟簡可吟詩
置成能防寇環城又鑿池人烟皆復舊蠶婦採桑枝
又用前韵酬岩遁

世路升沉曾信命天涯流落久思親僑居古寺僧岑
寂門外時來問字人

送金陽圭公移錫七長寺詩并序

上即位更化之初流放共驩而予謫來德原明

年春遷于興海皆海曲荒僻之區夏又徙于金
金雖益遠邑巨民稠人皆以是徙為幸予亦樂
蒙涵育之仁而自慶及至則判官益陽李候予
舊知也館予于金陽古寺寺之主瑜珈圭公質
實無偽者也憫予竄逐日夕在側予得李候為
依歸遇圭公為友善益自慶而樂之不知身之
謫於遠也未浹旬月李候見代圭公亦移竹之
七長相繼舍去朝而失其依歸者焉莫而失其
友善者焉夫人會而相離則悲者情之常也况
當流落困窮之際而失其所依歸憂愁抑鬱之

中而失其所友善則其攀戀悵恨之情為如何哉嗚呼人之離合聚散皆天也非人所為而有幸與不幸者焉予以負罪放竄之餘得不死而遇公子茲者幸也忽此相離又何不幸之若是歟雖然竹之為州與忠相隣而有山曰芒異在其境上其西則七長而東則忠之陽村也吾家舊業在焉距七長僅十餘里而近甬若被天澤獲自便而為民歸而耕于陽村則携筇臘屐陟芒異之巔以尋公子七長汲泉煮茗漱滌塵煩以忘今日之憂其為幸益多而自慶而樂為益

大矣不知天意果使何時而得此哉臨別惻惻不能無言故書此以為贈繼之以詩云

金陽古寺最清幽逐客南來到此留去國情懷難自寫共僧談笑可寬憂階前綠竹風聲細窓外青山雨氣浮今日黯然生別恨何時携杖更相求

次許隨州亭上詩韵

亭在清溪上尊開綠樹間醉來迷出處眼底見仙山密城守余公寄惠銀魚謹用嶺南樓上牧隱詩韵二絕一呈余公一呈郡教授官同年朴君

嶺南千里白雲橫北望時時恨不平忽見江魚傳尺

素開緘宛爾笑談聲

風化樓前一路橫先生講道佐昇平誰憐海上謫來
客古寺無人聞雨聲

次龍宮客舍板上詩韵

一郡風煙十里間政清刑簡吏民閑門前直道澹臺
路窓外群峯謝眺山幸與故人相會合可憐逐客得
生還從今欲遂為農志宦海由來最險艱

次天德社觀空樓詩韵

自註社有二樓東曰政
堂樓吾外祖復齋文節

公為政堂時而來登也故
名之西則觀空樓是也

青冥仙境渺難攀唯喜人寰有此山繞砌泉聲驚客

夢滿樓雲態伴僧閑悠悠空理三生裏擾擾浮名一
醉間今日登臨多感歎壁中如對祖翁顏

次韵奉簡知申事子通學士

權執經

逐客經年始得回手中雲雨自堪哀溪山雪後松間
寺一笑相逢亦快哉

聞說豐山別墅開風流權李盡高才兩家酒熟常相

識一擔槽床數往來

自註李杜元文和與權學士子通同里而居槽床往來即其實

也

山下清川抱一村幽人垂釣度朝昏飄然長嘯歸來

晚膾滿金盤酒滿樽

逐客歸來歲暮天
烟窓日晏尚酣眠
從今準擬陪清賞
幸是交情自昔年

甫州路上別陶隱先生

謫後相逢似夢中
臨歧忽忽又西東
從今只有歸田計
歲晚同為隣舍翁

次安東映湖樓詩韵

客裏登樓感歎多
倦遊贏得髩絲加
海天流落空懷國
鄉郡歸來未有家
碧瓦凌風膚起粟
金書照日眼迷花
長川迥與銀河接
直欲迢迢一撻

送龍宮郡守奉饒入賀新正

五雲宮殿鬱崢嶸
甫眉班玉佩聲想
得當年來侍從
醉隨鳶鷺賀元正

謫來南國又經年
矯首時時戀九天
今日送君陪表去
拜塵西望倍茫然

海印寺

巖壑盤回一路通
萬重山擁梵王宮
天慳地秘寰區
奧殿古廊回結構
雄突兀書岩流瀑
外荒涼暮閣夕陽
中

自註書岩暮閣皆文
昌候崔致遠所遊處也

孤雲遐躅無人繼
千載悠

悠鳥沒空

宿甘露寺

煙蒙古寺曉來清湛湛庭前栢樹青松韻悄然寥宇
靜涼風時拂柳絲輕

病中得聞按廉使成均司藝李公文和承命上
道不及拜餞吟成絕句四首奉呈左右伏希一
粲

去年僧夢壯元郎今夢先知掌一方

自註今夢者天德會前一日靈

松師夢見閣下前後吏卒導衛乘駟而行已與閣下言之矣今果驗焉

每每山僧元夢

喜他時又夢上巖廊

當年出按舍甘棠民吏懷思久不忘莫恠屈居叅左
列群心喜似見鄉孃

逐客今為病客身
僧窓敲枕獨吟呻
聞公受命乘軺去
惆悵無能徃拜塵

庭院婆婆一樹梅
逢花有約共啣杯
可憐苦蕾將開遍
公去何人喚我来

題友人村居五首

大竹村中里有仁
怡怡伯仲共圍鄰
一樽笑語團團處
和氣熏然滿坐春

春

閑居野外伴農民
雨過田原淑景新
醉睡覺來人正靜
滿園桃李鳥呼春

夏

雨餘門巷綠苔生
松竹林間暑氣清
白日羲皇無一事
醉憑烏几聽鶯聲

秋

積雨初收潦水清
畦禾黍野風生
銀萼玉膾江村裏
第勸兄酬醉太平

冬

野外風高雪積
門圍爐一室似春溫
原頭獵罷歸來晚
庭有懸猿酒滿樽

到益州

洪武庚午夏五月逮繫清州因有大水之警蒙
宥從便未幾又被臺評謫來益州其夜大雷電
以雨明日記于壁上時白露節後九日也

西原當日水漫天肆眚洪恩已霈然此夜益州雷雨
急誰憐逐客獨無眠

書懷

窓外青山似削成愁時舉目轉分明秋風日日吹
竹杖欲上高岑望玉京

月夜奉謝知州事惠酒

謫來寥落寓禪窓何幸良宵得酒缸猶有風流堪記

慶老僧能解唱高腔

自註時寓居彌勒寺有老僧能歌

中秋

去歲逢秋齊魯東如今謫在益山中年年佳節思歸

零得酒愁顏又一紅

秋風玉露洗銀河月色由來此夜多惆悵浮雲能殺

日停盃一問欲如何

自註是日密雲

僮奴吹笛老僧歌蹇父呼來把琵琶誰信陽村多興

味謫來奇事亦堪誇

是日有雲及晚開霽月色清朗又題一絕

西風一陣掃長空夜漏遲遲月正中默禱衡山雲自

霽韓公人厄匪天窮

望山有感

當面山光聳翠微
秋來羈思轉依依
若為得脫樊籠去
千仞崗頭一振衣

全州倅歸妓不納後又惠餽酒以詩奉謝

髮絲禪榻學觀空
萬境俱捐色即同
但自未能除口業
忽承香味感深衷

九月朔日蝕

六合大無外陰陽互推移
周天定躔度消長自有期
所以精曆者千載可坐知
如何日有蝕聖筆特書之

陽是君子德宜盛不宜衰彼月有時缺此日何可虧
天象既垂譴人心當懼思昔我在西都始陰方眇微
遽然遷氣作掩此中天輝今茲欲剥落碩果須扶持
云胡辰不輯又使嗇夫馳瞻仰久嗟嘆孰諒予懷悲
須臾復光景萬像咸熙熙南軒稍和暖負暄還自怡

九日金公

益精

李公斯

正諸

君携酒來訪金公

次書懷詩韵又次以答

金公偶與金壯元同名者

賓筵秩秩禮初成霜後黃花照眼明藥固山前當日

客如今依舊憶松京

自註去年奉使於遼東藥園鋪路上過重九故云

子堃康先生馳駒見訪別後寄詩二首其一賀

圃隱相國復職扈駕南都也次其韵答之

道屈身因屈文窮智亦窮謫來依古寺深省聽晨鍾
北闕書曾上南冠繫自同故人時枉駕惆悵又西東

右自叙

才名曾籍甚經術極研窮望重調殷鼎功高上景鍾
挫沉猶已溺持論豈雷同曳履承天寵休聲振海東

右賀圃隱

予塾先生詩并錄

後一首為圃隱作

康好文

偶入招提境興亡意不窮雲行餘古塔日落動疎
鍾客裏千愁散天涯一笑同誰能慰幽獨兼菊在

籬東

處險思謙退推仁救厄窮材能扶大厦遂豈犯鴻
鍾補袞誠彌切垂衣德即同三峯迎玉輦佳氣向
天東

康先生又寄長句四韵次其韵

青天白日照臨明方寸寧容罔上情不覺狂言如矢
直但知公道似衡平得雷輕典恩難報每憶高堂泪
自橫欲吊湘纍才調薄敢將詞賦要留名

自註來詩
有請續離

騷之語
故云

康先生詩又錄

高議雖同日月明
那將直道順人情
一封朝奏天
彌遠千里南遷路不平
禪榻寥寥黃葉盡
親居眇眇白雲橫
請公復續離騷怨
江水無窮有令名

又次一首

千載三韓遇聖明
小臣愚戆忤時情
工驩流放民心
服變契登庸世道平地遠
京華人到少
天連雲海鴈
飛橫感公珍重雙金贈
愧我非才浪得名

冬十有一月蒙恩放歸陽村次普能師韵

承命驚欣更撫身
得為天地再生人
小臣罪重難蒙
免聖德真同萬物春

題盾谷李公書室

自註盾谷在陽村東南十里許友人李九岭居之家有元

遺山集用其詩韵折花雲山

二畝亦其珍翫故并賦之

書一室淨無塵長日逍遙興味新
早何急流成勇退應嗤宦路謫來人

羅衫窄地動香塵玉質凝粧百媚新
手折收丹心自比寧知陌上採桑人

簇簇春山雨洗塵英英雲氣滿林新
回巖古木團茅裏知有長閑避世人

題天台馥庵上手卷畵後

笑衣蘭佩德惟馨蒼富林中啓六局
欲識氣機橫處

妙天無聲臭自清寧

峯巒隱映白雲中松檜森森有梵宮門外扁舟能濟
渡吹來吹去是香風

博山雲起水沉烟貝葉牀頭氣郁然鹿尾細風時一
振直教餘馥遍三千

習習風生九畹中幽人細履繞蘭叢誰知亦有搴芳
者自吊行吟澤畔翁

次韵留別乃乳禪師

宦路身曾竄郊村地自卑星回歲云暮風冷夜何遲
語軟相逢日詩成惜別時從今須努力願不負交期

庚午除夜

此日是除夜今吾在異鄉青燈照睡暗白髮帶愁長
山海身流落庭闈夢眇茫何憫憫悴久明發得韶光

辛未元月

四十已云老此言今信然偷生三黜後未死百年前
醉夢功名誤窮愁學術偏敢希心不動搖蕩若旌懸
謝竹州守朴公惠茶

邵平菜圃日何長蔓上踈花未吐黃多謝故人垂厚
貺玉膚生粟斗清涼

次卞博士

季良見寄

悠悠世事似浮雲
謫後歸來卧草門
京國故人傳尺素
開緘吟翫慰羈魂

曾慚淺學好為師
惟幸藍青早發輝
特遣山奴携酒訪
應憐謫後得歸來

謝安觀察惠尊二首

敬良

家僮驚報使人來
得奉芳緘手自開
宛對玉壺風露氣
銀尊皎潔滿盤堆

吾生計拙素無儲
謫後歸來借屋居
欲墾荒田望秋稔
空厨烟吟糞園蔬

陶大老惠扇兼示嘉章八旬之歲字畫甚細奉

讀再四敬嘆無已謹賡高韵四絕二謝扇二紀
德

天涯明月自團團
遙想清涼滿廣寒
忽被老師方便
力隨風圓影掌中看

明月清風共作團
能除熱惱滿襟寒
睡餘欣得快心
目似與故人相對看

和氣溫然自一團
出塵蹤跡最清寒
八旬能作蠅頭
字世上如公未易看

南極壽星光自圓
秋空雲靜影流寒
英精降作人中
瑞掩結仙山必得看

陽明集卷十
林令公濕挽詞

高步鴻樞鬢未秋，牧民遺澤在諸州。
今朝忽聽玄堂閉，隣笛聲中恨不休。

驪江宴集詩并序

上即位三年辛未冬十有一月，吾座主韓山牧
隱先生承恩命朝京，次于驪江別墅都觀察使
安公設酌以慰日旣暮，天朗月清，登舟中流，興
酣而罷。詰朝江冰合舟難通，越明日都評議使
司牒至，左代言臣詹傳旨，若曰：韓山君猶在忠
驪間，都觀察使其飭厨傳以禮敦遣。安公祇承

又往置酒是日雲陰微雪江水自釋先生又與
安公同舟沿流而下時侍座者簽書種學先生
男也驍興郡守權總其甥也近與都事李愚俱
門人也獻酬成禮相與懽洽雲月微明天水渺
漫恬波無浪飛雪時落亦舟中之一勝也又明
日陶齋李學士承修文之命馳駟而至又與登
舟如昨陶齋一時文章大手而先生所試辛亥
解元也安公雙清相國之嗣而雙清即先生之
同年世交甚篤公早以文行清慎敷歷華要今
又以重選專制一方思輯民生以宣上德矧遭

先生被徵入朝豈不欲致誠意於左右以副聖
上優禮徵還之意哉此其誠心所格氷自澣釋
以成此日舟中之樂也顧不羨歟驪江山水之
勝自古而稱人事多乖勝友難集吾儕於流離
之餘值此會合誠所難得安公以專制之威萬
務之繁亦未易而得此也又况仲冬嚴凝之時
浮舟游樂如今日者不知其有幾一坐之賓望
尊如韓山威重如安公文雅如陶齋通顯豪英
如諸公者相與同舟又不知其有幾自有此江
以來真絕無而僅有者也近以不才得與斯會

誠幸也是不可以不誌故作為長句四韵一篇
奉獻都觀察使節下無任慚汗之至

黃驪山水自清奇冠蓋相逢若有期別院絃歌遙秩
秩長江雲月夜遲遲浮查縹渺通霄漢飛雪霏微落
酒卮幸與諸公陪盛集風流文彩勝當時

題梅谿上人送平田詩卷末六絕

卜筭谿頭地自偏竹籬柴戶掩寒天仙翁邂逅開顏
笑人與梅花共粲然

鴈盡谿山雪向晴寒梅初綻暗香生仙翁邂逅煎茶
處疎影橫斜水自清

右紀二上人相遇

谿上寒梅三两枝，乾坤清氣入人脾。
仙翁別後相思意，爵出新香自詠詩。

雪漲南溪水自生，滿枝春意動芳英。
仙翁別後應無夢，夜夜梁間落月明。

右紀梅谿憶平田

歲暮空山雪作堆，天寒飛鳥不歸來。
仙翁別後相望處，磧上梅花幾樹開。

昨日尋梅信杖扶，清香滿鼻冷侵膚。
仙翁別後相思意，只恐歸時掃地無。

右紀平田憶梅谿

絕磧二首

松風軒益倫

冷冷磧中水，灑灑循除鳴。淒淒入僧夢，耿耿無所營。
道將汰俱遠，心與源雙清。晨明淨盥漱，汲之貯銅瓶。
楊枝便濡洒，用以霑郡生。願言借一勺，濯我煩熱情。
蔚蔚翳松崗，瀏瀏振松風。松吟本無意，風至本無蹤。
道人遣有相，高卧山之中山。中道阻遠，欲往憂忡忡。
貞心不受衰清韵，觸處通願言寄一陣滌。我勞煩曾

南行錄終

賀門下左侍中平壤伯趙公跋

烈烈貞肅公堂堂王室輔積德世生賢將相常繼武
侍中振家聲逸氣隘寰宇早歲好讀書晝動夜添炷
孜孜窮典墳勉勉蹈規矩義理闡程朱詞華追李杜
對策場屋間宗匠乃先取挺拔多士中文敎生毛羽
朝班耀簪紳原隰明綉斧好善伴鸞鳳疾惡除豺獠
宏材必大施民草望霖雨灼知天命歸倡義翊明主
征伐鄙殷周揖讓師舜禹功開萬世基位冠三公府
兩鬢尚春光一身是天柱齒盡照凌烟寵命加恩數
恂恂禮彌恭事師如事父偉歟光陽公步驟詩書圃
鑑識最精明能辨玉與石鶴髮老不衰壽考受天祐

門生領門生再閱罕今古獻壽設賀遙冠蓋填街聚
師弟道自敦懽然盡肺腑教化從此行相業當先務
文治致大平為儒真不腐小生幸遭逢盛事欣獲覩
又聞佳句新忽覺頭風愈圭復載詠歌不知手之舞
荒辭序卷端定被人嘲侮作頌亦斐然非才慙吉甫

送楊禪和

卸却塵緣養道深持機數露祖師心歸山獨坐千峯
下嘯月孤猿抱樹吟

上呂泉權相國

仲和詩并序

甲戌夏近僑寓玄化洞吾宗領三同事相國邸

茅之北一造謁而退後數日遘疾彌月不瘳呻
吟枕席間常以不得再進于門屏為愧忽一日
公遣長鬚歸珍羞曰予昨侍宴上命徹所御俎
以賜我恩寵既渥我不敢私之宜以頒諸宗族
隣里以揚君賜之榮近力疾起拜而受又不得
躬造以謝且言曰惟公以宏材精識清德雅望
遭遇盛朝開國之日制作典章笙鏞黼黻以興
一代之治者上必於公咨訪而後定公諳練朝
章淹通經史每事必援今引古纖悉精備以對
清問輒蒙嘉納退則謙謙謹密若不能言未嘗

有一毫自矜之色及其燕居之處齋書自娛不以家累營心蕭然若寒士之家宸心以此重之物議以此高之是宜位領三司尊冠百僚以承恩寵之渥也近於公為子孫行嘗以研墨末技獲事公於銓房文司者二十有餘年恩義之遇既深且久所當朝夕繼見事之如親而乃慵疎怠緩虧廢禮信升門堂而捧聲效者動累月而僅一次其負於公多矣當在責以無禮攻而絕之所不辭也今乃不絕而收之頒恩以及之是公寬弘之量仁厚之德抑亦至矣感激於懷不

陽明先生集卷七
能自己聊成拙詩二絕侔獻左右上以賀公受
賜之榮下以謝予知感之情云詩曰

盛朝崇重老成臣雅望巍巍領縉紳
侍宴歸來仍賜俎恩波覃及里閭人

雨中伏枕日何長忽見家童喜欲狂
報道相公分內賜珍羞猶帶御爐香

送神印宗玉明上人

釋門文豆婁神變最第一幻語驚人機權甚秘密
上人學其傳升堂而入室所性不在茲孝友本天質
詩酒伴儒生豁達無拘必昔我謫海濱再至慰憂鬱

相逢京國中交道更親昵忽此來告歸倚閭在朝日
贈語愧荒蕪中情難具述雞林渺天涯秋氣正凜栗
跋涉勉加飡旋車復自疾

安判門下挽詞

宗源

世傳經術是鴻儒洒落襟懷貯月壺烏府甫將三院
紀鳳池尊領百寮趨門連節鉞多賢子堂滿簪紳有
弟徒崇重老成開國日却嗟無復獻嘉謨

卞開城妻氏挽詞

婦人教子至三遷昆季才名揔是賢忽聽姮娥奔月
去此生遺恨正綿綿

陽和集卷七
送浮屠

瓶錫南歸客雲霞獨往人心灰今已冷面壁幾經春
海上松篁古山中筍蕨新果哉難可挽猿鶴與相親
題河開城畫梅卷六絕

夢浮曉溜

巖溜曉流漸落雪凝不釋休將山中春漏洩向塵陌
枝橫籬落

孤村歲暮時積雪擁籬落忽見一枝春斗覺天工力
踈影橫水

幽澗淺且清踈柯影相映罔然脫纖塵肅肅心逾淨

暗香浮月

携筇步荒園。玉樹疑月色。冉冉異香浮。時從鼻端得。

橫隔片烟

寒林雪欲殘。薄暮烟初暝。相看尚綢姿。愈覺君子德。

半粘殘雪

寒雲晚來霽。玉屑粘凍枝。生意靜中吐。可觀貞復時。

謝三峯惠蠟燭

外直中通色自黃。能令夜夜吐光芒。故人持贈情何厚。欲向書窗戒怠荒。

贈巖道

海上謫遷常握手村中愁寂幾搔頭
今來京國幸相遇俱是散人非品流

久嫌群蟻喧床足忽見雙魚落案頭
珍重贈言何以謝愧無瓊玖汗如流

高懷登眺泰山頂逸興詠歸沂水頭
欲識閑中真氣味悠然天地與同流

舊隱薜蘿紫洞口歸程楊柳拂街頭
春風匹马飄然去惜別那堪涕泗流

寄報令監務次巖遁詩韵

寄語三山太守官為州先務在民安
但將日日耕桑

課致使家家笑語歡

遁巖蕭洒是儒官曾守清貧志自安老去喪朋真可惜頻垂問慰使心歡

張生自托浙東官心不為盲守道安得使陳詩客左右勝拚絲竹共成歡

寄巖遁

故人高尚早休官歸卧林泉事事安愧我趨塵將白髮未同言笑強為歡

謫去曾逢李判官殷勤能慰我心安竹風樓雨金陽寺日與先生每醉歡

堪恨司明目失官知無可奈要當安他時會見金甌
刮重對清瞳一笑歡

寒食城東即事

春半郊原風日晴燒痕微綠草芽生野禽亦得知時
節飛送嘉音上下鳴

次鄭大卿韵

尺五城南天氣新暖風遲日最宜人欣欣草木皆相
得沂上于今欲暮春

偶題

楊柳青青桃杏紅園林處處是春風出門日日醒還

醉身世悠悠似夢中

題清心堂

內臣委仁富自扁

欲靜天光發神清夜氣生時時常守此方寸自虛明

送幽巖上人

月白風清山色溪聲眼向天端活路從雲外行雖無
定處慶快平生頓息萬機心迹絕雪花片片舞空程

贈信閑上人

狂簡成章也斐然與師相對更多緣三剛正立波安
海五眼圓明日向天道合何復論異路心閑更復大
空禪青山落照忙歸轡不與松窓月下眠

閨上人訪予予亦以詩送之

我心無處較清神故對冰燈話夜晨
莫訝相逢還惜別都緣老去少同人

送蘆巖濟生君

早窮賢者教仍慕善財名口演三乘法身經萬里行
門風元自峻道貌老彌清歸去秋山裏跣趺對月明

陽村先生文集卷之七

陽村先生文集卷之八

新都八景次三峯鄭公道傳韻

畿甸山河 巫山一段雲

疊嶂環畿甸長江帶國城
義裁形勝自天成真箇是
王京道里均皆適原田沃
可耕居民富庶樂昇平處
處有歌聲

都城宮苑

天作鴻都壯雲橫雉堞開
觚稜金碧爵崔嵬鈿佩此
徘徊上苑三春樂深宮萬
壽杯君王勤政坐朝回花
影轉樓臺

列署星拱

弦直長街闕星環列署分天門冠蓋藹如雲濟濟佐
明君庶政皆凝績英才惣出群籠街喝道遶相聞退
食正紛紛

諸坊基布

新邑天開府諸坊局布基千門萬戶正參差冠蓋日
追隨市肆家家富園亭處處竒遠聞歌吹月明時適
際大平期

東門教場

五校容儀壯三軍號令行東門鉦鼓響鏗轟萬騎耀

戈兵日照明金匣風生動盡旌獻禽奏凱象功成四
域振雄聲

西江漕泊

南海恬風浪西江簇畫船烏檣擢立蔽雲天委積與
山連紅腐千倉粟青生萬戶煙公私富足各安然王
業永綿綿

南渡行人

雜還爭官道繁華近國門街亭日日擁高軒迎送倒
芳樽野路連江岸汀沙帶水痕往來皆向此中奔誰
識濟川恩

北郊牧馬

豐草長郊外清川斷岸邊
龍媒萬匹競騰騫藹藹五
花連走坂蹄生電嘶風鬣舞煙無邪一念正超前思
欲獻駒篇

次三峯遊真觀寺詩韻

石徑草深微雨過林亭地僻好風多
山靈應笑驅馳客未脫朝衣掛薜蘿

次三峯東池詠蓮詩韵四首

翠盖田田冒一池紅衣濯濯雨晴時
經過固合耽佳句莫怪吾行每自遲

賞蓮常欲共臨池
况復年皆少壯時
有約不須嫌晝短
也宜明月夜遲遲

亭亭萬朶滿平池
紅綠相輝映一時
謾道風來香在
簾恐教吹落願風遲

夜來狂雨雜顛風
池上紅衣掃地空
欲把青荷成一醉
誰沾羨酒滿郢筒

藏義寺清齋奉教陪復齋鄭啟堂惠至撰醮詞

次其韵二首

盤迴石逕入烟蘿
出郭遊人向此過
有約欣逢開口笑
聞詩不覺側頭哦
青山送雨暮雲合
碧樹含風秋

氣多我欲索酤陶令酒那堪只喫趙州茶

門隔紅塵一院幽雨來窓外領新秋風流安石登山
興詞命裨謔在野謀此寺固應無此議茲晨幸與得
茲遊冷冷最愛階前水靜坐蕭然洗客愁

次復齋贈安養詩韵

乘閒時出郭林下訪高人汲井聊煎茗看山久岸巾
晴窓偏得月虛室自無塵幸此有幽趣從今來往頻
上三峯詩并序

恭惟我 殿下受命開國定都漢陽以乙亥冬

十月乙未親祭大室受群臣朝肆宥境內越三

日丁酉上御正殿賜門下左政丞臣趙汝汝

丞臣金士衡判三司事臣鄭道傳三司右僚射

臣閔霽享官藝文春秋館大學士臣鄭愬臣韓

尚質中樞臣尚敬臣洪吉敗四室叅乘中樞臣

金希善臣洪彦修臣尹弁慶臣崔融等內厩馬

各一匹下逮諸執事賜爵有差乃宴群臣于殿

內群臣上壽皆呼千歲樂部奏文德武功之曲

上心懽愉謂判三司事曰每聞此曲予懋乃德

即解所御烏犀帶以賜於戲明良相遇治定功

成大禮既舉慶賞斯行猗歟休哉真千載一盛

際也近以不才幸獲遭逢側於群賢以佐判三
司事右僚射諸公于禮曹予奉常以竊觀其制
作之事且以微詞撰進登歌一二章又蒙落點
以爲移安都監判事仍受內香奉迎四室神主
于開城乃於後九月己丑入安于廟夫以猥賤
瑣末之資僻陋荒疎之學際會聖朝開國之初
從群公之後展其微效得以從事於宗廟禮樂
之間其私自慶幸曷可道哉况觀諸公恩渥之
厚不勝歆嘆謹裁長句四韻詩一篇奉呈云云
聖君開國應千岭佐命勲臣間世英四室祀嚴彰孝

敬九功歌奏象文明既分駿馬承殊錫帶賜通犀荷
異榮何幸小生觀盛義裁詩陳賀不勝情

送李公觀察全羅得談字

原戎曾鎮錦江南却敵安民有美談授鉞君王重命
遣擁車父老更來參甘棠惠化今應洽細柳威聲舊
所諳終始益堅平日志須教青史永無慚

次筠潭韵送忠清道都節制使李公還營

廊廟材堪佐盛時南民願借上心知旌麾又向雄藩
去更見紉籠護舊詩

題海松卷子

海上孤峯聳半空
蒼松鬱鬱送清風
仙翁心跡俱蕭洒
一片炎塵不到中

題原平板上

古瑞原郡

可惜瑞原吏艱勞
他郡無兩都中宿
處三道會來涼
京近民多猾田畝
野半蕪經過每懷
此不覺為長吁

偶題

朝來便覺雨催春
陌上垂楊綠已新
莫遣東風吹造次
恐教飛絮更愁人

次昌寧成侍中

汝完

賀金改丞士衡

詩韵

右相位上公器偉才亦雄
遭時翊興運不勞衣一戎

弊蠹盡除革賢駿俱登崇隆平政治洽擊壤歌田翁
勲名光閎閎奕世有成功襲封食大邑魏冕趨天宮
安危共注意聖眷日以鍾受命出征東又與祖烈同
威聲讐海寇來降多率從佐后天文教克綏皇降衷

送吉祥法主進退格

脫身棄紈綺投迹寄烟霞道邈未嘗接禪風曾所多
求詩將適遠贈語實非誇此去歸須早高堂喜必和

哭柳令公潘

罷相閑居十數年東門僻處好園田今朝忽解天陂
去可恨淳風世莫傳

次牧隱先生韵題門生鄭通州詩軸

滄海茫茫似鏡平為尋蓬島放舟行
相邀列郡為賓主應與群仙作弟兄
雲斷遠峯浮地碧天開初日浴
波明未陪杖屨遊清境難洗膏中鬱鬱情

次牧隱先生韵送仁山禪者遊方

深山路滑自難尋仁者由來有樂心
此日獨穿雲水去他時應亦喜登音

送忠清道觀察使韓公尚敬

精敏天資義忠清世德傳戴商功夙著分陝化初宣
治道將升泰風謠定八編會看棠樹葉敲笳映春烟

韓山伯牧隱先生李文靖公挽辭

自我先生翼典常素三風振海東邦朝衣屢拂三台
列仙桂曾分兩國香久棹瀾波心不動再經榮辱德
彌昌斯文莫嘆天將喪賢子賢孫尚在堂

舍弟遇奉傳鶯詩二篇詞旨婉曲說盡人情奉
讀之際深有所感設厚意之重無以報謝敢不
寶藏晨昏諷詠以自觀省也今謹依韻各和其
意奉呈雙梅堂左右伏冀更加剪拂以終惠焉

雙梅堂李文安
公詹自號也

鳥有可貴者其名稱曰鶯羽毛盡黃色冲和氣所成

陽本集卷八
能將載好音出谷時來鳴立隅自知止終日常嚶嚶
嗟我昧所適中心詎能明人而不如鳥聖訓真堪驚
杜鵑尚再拜況此覲曉聲憐渠繞園樹長慰高堂情
邇來忽不聽無以破愁城芳根既有托棲宿夫誰爭
但願春不老千年以為生

舊日喜聞鶯今日悲聞鶯昔妾在鄉里忻忻弟與兄
朝從東家食暮向西隣行此時有此鳥飛上桑樹鳴
蛩眠身多暇耳愛綿蠻聲如今遠父母秋葉何飄零
跋涉幾山水千里來王京王京雖信義豈無懷土情
欲往不可得日夜念歸程忽聽栗留語涕淚縱橫成

滿眼故園思感嘆無由平原田麥已熟去去終吾生

風荷

亭亭相倚並嫋嫋自推移莫道無持操掉頭非詭隨

雨荷

受露本無著未濫先自傾渠心善持滿植立得圓成

偶題

萋萋碧草雨晴初綠樹陰中偶自鋤一陣南風涼滿
袂誰知城市有幽居

咸中樞承慶挽辭

早脫名韁物外遊十年江海狎沙鷗閑情每向新篇

馬清節當從古史求子有功臣餘澤遠官為學士寵
恩優我於萬里歸來日聞計難禁不慙慙

題國初群英真跡

三峯欲傳國初之人親筆使
或作詩文或將古人詩文書

之名曰國初群英真迹先生亦書此詩及嘗所
賦和三峯鶴歌一篇三峯又送與獨谷成公求
題詠公亦華嚴丘公曰予欲賦而書之畏一書
法不敢也師善寫者其憚之丘公聞之曰獨陽
村之筆好公曰師得之矣世知此子文章不知
其書法之妙如此也戊子春丘公來寓興德社
臨一造謁丘公
親為臨言之

師友三峯數十年早欽譽望出群賢功夫縝密常持

守義理精微已貫穿氣若吐虹衝北斗手能扶日上

中天廟堂不寢書生志經術還兼節制權待士洪恩

父白璧傳家清德一青氈深謀決勝於千里廣度包
容則石川岳訓要明斯道正能言力闢異端偏竹堂
自辛嘗聯步棘院多慚得比肩交匪翟公貧富變榮
如郭氏始終全索書不鄙家鷄陋為罵新詩愧斐然
自註三峯相國命索拙書寫此以獻往年予為三
峯先生作鶴歌蒙韓孟雲先生可之今并書以獻

次韵題鷄林府吏崔佐詩卷并序

庚午春予被劾遠繫鷄林留數日有吏崔佐以
其私勞慰甚厚因出詩一軸示之即鄭徐兩相
國未達時感佐請留宴慰之勤而作者也後兩
公皆登相府赫赫有盛聲諸公和者若干人繇

是佐有知人好客之譽重於鄉黨予亦感其義而欲和之時方在謫有去國違親之憂未暇為也後九年戊寅夏佐來京亦携是詩以見和者又多於舊皆名士大夫之筆佐一遠方小吏耳能於羈旅塵埃之中而識二公有豪爽卓越之氣傾家餽慰累日無倦固可嘉矣凡縉紳之士有至其府者未嘗不得見又得被其交譽者客巨篇其多若此非其賢且篤好能然乎然或乘星輶或耀畫錦皆榮顯於一時者也佐之處恭遜拜猶恐不及以冀片言之譽宜矣若予也負

罪竄逐拘繫縲紲雖平日所相識者猶且背死
而却走若將浼焉而佐也曾無鄉曲之舊交通
之分致餽勤款以慰鬱抑蓋其尊賢好客之誠
出於天性無所為而然者也豈不賢哉今隔九
年之久不遠千里之途又來請詩其勤亦其至
矣故賡諸作之韵并書此以歸但二公已矣諷
詠之際感愴盈襟故末句及之

昔有兩儒官少年聯馬鞍同遊月城下數日對酒歡
風流氣蓋世探春情興何時休歸期念念不可駐驪
駒一曲生別愁出城日已晏更上路傍樓有崔佐非

俗吏挈榼來尋勤挽留看花痛飲樂復極醉醒三日
宿蕭寺他年黃閣中二子說不已十年存歿泪可沱
但看醉墨整復斜

次松堂趙改丞韵二首

浚

沙堤依舊對門斜喬木三韓積善家道上問牛憂國
切朝中薦鶚進賢多勲臣缺卷聯雙軸寵相麻書
五花已道魯論分二半更加一半著功何

街頭風軟柳絲斜春滿京都百萬家癡理道從天地
著實襄功在廟堂多晴曲影拂階前樹畫楊香未屋
上花可笑區區謀野獲退思清燕似公何

六月初十日承招入集賢殿聽候時諸公已散
唯尹博士叢獨在

兩餘深殿淨無塵中使傳呼學士臣不及霜蹄花底
散尹生先識有來人自註尹喜光知孝子之至而候之

八承旨房次李學士韵

偶承宣召入西軒院裡清高豈易論畫日風來楊柳
岸菱荷香氣滿金門

八直

三入中樞十載餘院人仍道是簽書客筆已凌摧頽
甚自笑今予即舊學

金中樞妻氏挽辭

自註時中樞奉使未還

芳年修婦道能使室家宜可惜望夫日俄成奔月期
高堂猶有父哭泣却無兒此恨難堪說聞之孰不悲

次韵贈清川伯李公

居仁

有美人間貴飄然地上仙家連餘善慶弟姪繼時賢
蘭竹清芬遠琴樽醉興偏龍門客後進况復世交緣

王評理

與挽辭

少年風采映簪紳罷相閑居閱幾春醉夢不醒千日
酒浮名已作一朝塵日長深院花無主雨過空庭草
自新未見兒孫扶襯去令人惆悵倍傷神

次獨谷贈呂興伯閔公

霽

詩韵效其體

世上誰踈懶
陽村一病翁
來門無好客
索飯有癡童
功名疑夢裡
髻髮變愁中
未得掛冠去
自憐歸意濃

次靈通社主寄翫成紋丞詩韵四首

上相朝回一院幽
納涼何更翫中求
黃扉閣上清風裡
便是蕭然整興丘

堂上槐陰滿地幽
瘡飈自至不須求
山僧送扇應方便
欲播仁風遍野丘

高卧雲霞洞壑幽
公侯門下肯來求
一輪明月傳家向
始覺詩僧在虎丘

山中涼月出羅幽
耀熱何從水上求
颯颯清風生兩腋
欲乘冷馭上丹丘

次古人畫梅韵與李學士同賦

臘盡江村未有花
尋梅終日到官鴉
忽逢玉質蒙烟霧
不覺乘從免穎家

次李學士題扇

相親炎熱時却棄
寒涼月人情有變
移我意豈相絕

次李學士

詹

賀海道都鄧制使金公

吳烈

營造

戰艦

渺渺西江入海流
舟中旌旆擁飛樓
知公濟巨多才

畧萬斛龍艘駕浪浮

次李學士詹宿國清寺詩韵

閑來僧院問無生卧聽鍾聲半夜鳴
怪底魂清無夢寐一簾秋月滿床明

次扇上詩韵

扇上新詩真為幼婦碑清風穆如處便覺少人知

次洪公

吉賧

還飲舊宅詩韵

許中贊文

敬公撰也

巍巍許中贊餘慶綿雲秉手植松已老偃蹇臨高臺

彌甥有洪氏豪氣真雄哉五世福未艾歌斯知幾回

昔與姜隱

李結

輩杯盤日日開如澠酒不渴瓶罄寧

耻疊我時添賓席痛飲常醉頽諸公有嘉作每獨慚
非才南渡世事變西流年矢催訪鷺半存沒故來掃
連苔松下更置酒對月仍依徊功成善勇退笑我趁
風埃

追憶三峴鷺遊又成一省

三峴鷺多友日日相從來酩酊每乘興熙若登春臺

風流姜隱子顯器度信義我茂松文無敵尹紹宗伊溪

德不回李能琴斗帖老李結豁達宵襟開洪公吉最

好客旨酒常滿壘安魯宋愚亦英邁而我獨摧頽春

風與秋月唱和各展才翻覆雲雨散荏苒歲月摧逝

耆長已矣白骨生青苔存者各南北不得共徘徊公
乎更辦酒洗我膏中埃

次奉安驛亭詩韵

古驛亭開茂樹間晚涼來憇覺身安山林僻處民居
少厨轉稀時吏後閑崖路俯江誰鑿險溪流激石自
生寒我来莫道無供給馬飽青芻尚厚顏

渡龍津有感復用前韵

小舟輕樣碧波間穩涉真同坦道安往事悠悠都是
夢浮生後役幾時閑物情譽毀名為累宦路升沉膽
可寒未向潁川成洗耳清江深愧照塵顏

吳濱驛

樓外長江野外山好風常在兩楹間登臨縱是清肌

骨揮汗田夫可忍者

自註英華云夏清涼宜念曝日而耕者

拜政堂堂叅後呈諸同列

政堂文學寵非輕濫荷榮陰愧且驚經術豈能施實
學詞章曾是盜虛名愚庸只有丹心在衰病難禁白
髮生旅進朝朝仍旅退徒然伴食更無成

次左政丞成公

石磷

喜雨詩韵

感應之機本不空一心俄頃格玄宮旱中萬物霑霖

雨政與高宗用說同

哭復興君趙公

昨戊辰諫林廬之事始起公斬廬與邦家奴也

早宦皇元志氣雄能因奮臂戢貪風深謀克贊開邦
運專對偏留奉使功晚透禪關三昧術曾知世累萬
般空決然今日公何患我自情鍾恨不窮

題李叅贊詩卷

居易

李相先瑩焚黃賀詩予既序之恐賡和者有次
韻牽強之病別作長句四韻以唱後作者使皆
聽其自為也

千載西原岳降神扶王世世有賢臣國公切合三韓
地秋月襟無一點塵寵配主家光益振恩霑先隴慶

彌新滿連蘭玉浮佳氣更厚栽培萬葉春

得禁字題孟先生詩卷

希道

早戢風塵滿面侵掛冠故興浩難禁事親養志終廬
墓教子傳經豈貴金投杖青山晴更好垂綸碧澗淨
愈深林蔬每遣家童拾村酒相過野老斟連草不除
俱得意嶺雲常在共無心從今更展同時策須佐明
君布德音

送柳侍史赴密陽得送字

斗明

柳君我所愛才名早出衆方乘憲府驄佇聞朝陽鳳
一鳴遠謫州縉紳惜相送內外勢雖殊治入理同共

勿謂割鷄時牛刀焉可用久別暫相逢遽去如一夢
春風布陽和谷鳥出幽洞政成迫微黃來作明堂棟

送權侍史弘點馬

烏府聯裾喜得君同將白簡叫天門可憐杞梓遭拋
棄檇櫟偏蒙雨露恩

吾宗積德衆皆言世義相望具違尊莫惠早年初未
樹澗松含翠自深根

秋氣淒涼霜露寒憐君點馬跨征鞍郵民莫任消人
見曾是烏臺侍史官

當時點馬鴨江陂滿眼驪黃動客愁今日送君還戀

陽和集卷八
十六
憶我兄持節作遨頭

清川江上久淹留醉後題詩古寺樓點馬莫嫌卑冗

甚十年廊廟得優游

自註吾嘗回黜馬留安州四月今吾兄為義州牧故有終二省

且期他日大用以慰侍史也

奉謝江原道都觀察履韓公尚敬惠東坡和陶

詩兼示所作關東雜詠

淵明高節最堪師千載流傳醉後詩未悟昨非慙老大秋深三逕有歸期

曾信東坡百世師精神都在和陶詩展來試得吟中趣却恨吾生在後期

功名後後走京師未向溪山一賦詩忽得關東題詠
妙海門思欲訪安期

柳巷先生我所師羨君問禮又聞詩峨洋妙意傳家
法惟恨知音欠子期

題靈通寺樓

五冠山下古叢林風滿樓臺綠樹陰境絕塵喧常閑
寂溪因雨過更澄深西峯爽氣連朝暮北嶺閑雲亘
古今惆悵無由問前事土橋依舊未消沉

哭朴密直

永忠

久隨旌旆樹功寵拜鴻樞位已崇世事早能婚嫁

畢生涯長任醉醒中白鬢紅顏身猶健黃狗蒼鷹志
尚雄忽向幽堂成大夢那堪縹緲起悲風

謝江原道使相家語玉燭之惠

韓尚敬

素王家語最精微方冊雖存識者稀多謝先生持贈
意明燈况復助光輝

次蘭坡李居仁聯句韵賀李政丞居易

駙馬寵恩兄弟並國公遺澤子孫鍾再扶昇日咸池
上獨播清風杜閣中

又得三字

平生克備達尊三終始汾陽壽老聃世德相承知有

本宵中秋月照澄潭

次韵謝同年李咸陽惠紙

恒茂

一封書至自南州尚想尊罍物外秋老去宦途詩興廢今朝喜與猪生遊

送咸觀察使

傅霖

山水開東勝蓬瀛海上連精鍾生俊傑氣迫得神仙
昔我訓蒙士惟君最少年聰明真性稟經術是家傳
慷慨懷常激精微理極研學能行並進才與識俱全
蟾窟攀詵桂蟻班著祖鞭御天龍變化賢德鳳飛騫
開國勲庸大圖形寵渥偏樹風悲不止苦幽痛堪憐

憂制終三載哀誠澈九泉求忠當孝子敷政要仁賢
榮錫分茅爵威尊杖鉞權英聲摧賊膽惠化息民肩
只在吾心正無忘聖德宣臨離贈此語厚意重拳拳
次趙兩亭韵荅鄭春谷趙韞璞鄭諱擢

白岳山前一草亭綠陰深處午風清相思不得成良
晤雞鳴宵中續緒清

連袂朝天萬里餘舟中共食楚江魚如今更覺誠心
厚肴酒殷勤且摘蔬

次春谷韵

南都出鎮構新亭德感民懷政自清河內寇公難久

借冝登台鼎慰群情

論文已是十年餘契闊真難數寄魚鄭谷想知多僻
處卜隣將欲種園蔬

復次前韵

昔與登臨望海亭雲開填渤攸澄清知公雅量能同
大履險曾無惴惴情

腹裏詩書萬卷餘愛民仁信及豚魚齋居更想多幽
興冒雨栽花又課蔬

復用前韵

武夷山統晦菴亭百畝方塘徹底清活水至今流不

息難分一泓洗塵情

王化來宣補袞餘凜然清節邁懸魚須將利器施槃
錯勿問傭人賣菜蔬

右酬清城

清城君即春谷

我家黃菊滿園亭文正高風永世清與子幸蒙餘慶
厚勉思承繼共殫情

樂在膏中無欠餘人非魚也豈知魚孔門願學心齋
者陋巷蕭然只飯蔬

右訓永嘉

永嘉君諱弘先生曾王父
為齊文正公於弘為高祖

天地真同逆旅亭下為重濁上輕清瀛溪大槩無餘

蘊自愧陽村未得情

朝來步履上春亭頓覺溪山雨洗清俯仰乾坤成一
嘯悠然沂上詠歸情

秦焚六籍幸遺餘却恨還多魯與魚珍重先生能樂
道不知肉味况知蔬

利欲紛拏作偽餘斯民不幸自相魚漢陰寧有機心
在抱瓮惟知日灌蔬

闕疑曾學慎言餘矢直何人似史魚可笑樊遲遺遠
大惟知問圃欲為蔬

右酬清城

一樓風景勝高亭終日登臨興味清
客裡厚恩難可報誓將金石比交情

勲業能成學問餘天淵神化似鳶魚
致君堯舜公無讓時遣羊來踏我蔬

右酬安石

春風淡薄百花亭宿雨晴時氣轉清
數日齋居同笑語親情不減弟兄情

華宗除子更無餘問禮問詩似伯魚
百事可成知有本尋常咬得一根蔬

右贈天用

天用與公眉壽宇

無過風月滿蓮亭洒落膏襟亦與清想得二公成避
近窮通不變其盟情

右記安石樂甫水州會合

樂甫鵝城君
李公來字

安石高樓百尺餘雄風如化北溟魚公今攀附登雲
路可拔園中瞿冒蔬

右贈樂甫

一送京畿按部金議郎端

郊畿分左右按部得賢才楓陛綵綸降棠林芟舍開
疲民肩可懸猾吏膽應摧王化由先通惟君徃敬
哉

次鄭判中樞洪韻送同年金判事摯

聖朝圖畫炳凌烟難把踈慵得比肩唯羨澗松含晚
翠願如山水保天年儻來軒冕知吾累自樂輦轡為
子憐安得飄然携手去滿懷塵土濯風泉

送岬山住持圓公詩并序

性圓

圓公神印之傳法也氣淑而性靜言寡而行修
予固重之以為方外之友又屬豚犬以開其蒙
圓公晝夜訓誨不倦期於有成予益重之逮及
三年春得住鷄林之岬山寺以其母之居于其
隣也不辭而行將以致養於晨昏意欲携豚犬

與俱予以其稚且弱也不忍遠遣于千里之外
不許其偕往圓公色若不豫然又擇其徒之慈
惠者善付囑之夫圓公佛者也寂滅是宗辭親
割愛是學固吾儒者所當排擯而遠斥也然圓
公則不然知孝之大而欲養其母知義之大而
欲收人之弱子是於儒者之道不戾天命之性
仁義根於心不待學而發見於日用之間者可
見矣故書此以贈之又嘉其孝作一絕云

縹緲鷄林海
上城今朝南望送
君行慈鳥反哺岬山
下雪裡定應新笋生

詠陳氏宅槎峯次韵義貴

天工刻鏤巧成峯誰識千年化石松
宛有烟霞丘壑趣坐來如聽一聲鍾

次雙梅堂貓乳詩韵

鼠自嫌貧尚可虞每愁飢馱及書厨
聞君德化貓相乳為寄如拳一小雛

為家如國戒無虞鼠竊寧容入遠厨
自是養貓同養將定知牙爪滅胡雛

陽村先生文集卷之九

次天使淮南陸伯瞻題春宴曲

繡幕圍春氣，融暖金樽對。月酒常滿，玉釵鳳髻態自
濃。嬌嬌清歌，蕪蕪管城頭，烏啼暮雲低。青蛾起舞斜
日題，莫催歸馬臨風嘶。坐看飛星流向西。

次伯瞻見贈韵二絕

學業空疎不自修，無由得入聖門遊。謾言夷夏同天
性，孤陋如今嘆白頭。

昭回白日發天光，出自咸池照四方。欲識一元無息
處，雪中梅萼吐新芳。

次伯瞻見贈韵二首

小生曾得近天間，優荷如春帝德輝。
粲爛奎章親寫札，氛氲香氣賜來衣。
九街樓觀承恩醉，萬里鄉閭奉勅歸。
睿澤淪肌無路報，夢魂常繞五雲飛。

雙鳳御書下紫闥，翩翩采羽映朝輝。
九天日月頒堯曆，五色文章補舜衣。
旅館方欣傾蓋舊，驛程難挽著鞭歸。
若為挿得如雲翼，霄漢翱翔與子飛。

次伯瞻春日見寄韵二首

草樹春敷榮好鳥鳴，其嚶嚶兮感時物。
浩然高興生清灑，玉堂夜聞道真吾兄來。
軺使絕域帝運開太平。

邂逅展良晤綠醕尊中盈願言保終始莫忘今日情
我昔被寵榮禁林聞鳥嚶文淵集群彦遇我如平生
摠衣願承教事以猶父兄一朝返鄉國戀懷苦未平
君今奉使至謙謹無驕盈宛若見諸子慰我拳拳情
題伯瞻釣叟圖

槎牙老幹幾經春白髮漁人隱海濱會見熊羆終八
獵好將仁術濟斯民

昨見釣叟圖作太公賦之及觀佳作乃賦子陵
也故又次韵以太公壓子陵

真釣求魚計不踈時來牧野展雄圖客星謾向桐江

隱如腹依然是僕奴

謝伯瞻梧竹圖

高梧一樹挺朝陽
碧玉雙竿貫雪霜
幸際文明天下
泰鳳凰覽德下高岡

次伯瞻韵二首

門垂黃金柳
坐有綠綺琴
相對兩佳士
玉樹臨儒林
泠泠太古響
朱絲間清吟
殷勤求今夕
終始同此心
淑氣正催鶯
園林向晚清
微風吹綠醕
斜日照朱楹
興逸新詩句
情濃寶瑟聲
別離何足惜
聯騎共朝京

送禮部陸伯瞻使還

勅使重開喜國安群生咸被帝恩實正頌堯典義和
德英滿箕封弁馬韓使節動星方發彩詞源觀海更
增聞鹿鳴宴勞應優渥濟濟廷臣刮目看

又

曾向文淵閣上看信知觀水必觀濶瞻前忽後難窺
聖肆外宏中搃似韓御札親承奎壁煥儲恩更沐海
天寬小生無力酬洪造倍祝皇圖萬世安

代人贈送伯瞻使還二首

聖代輿圖廣天心付畀全北驅窮朔漠東暨到朝鮮
西披流沙外南踰廣海填茲夷歸有德日月照無邊

共八陶鈞內誰言覆載偏皇猷開燠赫胡醜掃腥膻
復啓中茲統非因襲代權功光湯武上業邁漢唐前
割據皆含璧英雄競著鞭貌貅雄武烈鸞鳳萃文淵
冠冕千官盛梯航萬國連益梅穀鼎彝玉帛禹山川
溟浮波曾息燕然石已鐫威叔用黃鉞治定頌朱紱
翼翼洪基壯巍巍景祚綿嗣皇真聖哲輔相揔忠賢
欽恤刑期措寬仁澤必宣丕承恩祖述善繼貴相沿
綏撫恩覃及廢嘉賞乃延十行頒御札三錫重賓筵
文錦浮紅帟輕羅漾碧璉層分欽若後春盡泰來光
偉矣南宮彥飄然上界仙詞藻登桂籍風彩映花鈞

持節辭螭陞揚鑲跨馬羈緬來箕子國載賦叔孫篇
才八機雲妙名將賈贄傳事唐誠最著使越義奚專
修靜道同躰放翁詩可肩禮容持素履家法守青氈
星斗宵中炳龍蛇筆下纏鵠峯春婉婉龍岫月嬋妍
綠蟻宮蠶艷青娥舞袖翩俳優紛雜還仗衛共蹠蹠
舊俗何嫌陋圖經定見編梅開尋澗水茶好煮山泉
野菜香堪茹林葩爛似燃柳絲搖濯濯草色弄芊芊
佳節行方屆征車苦欲還我王誠款款僕度每拳拳
承命榮彌渥輸忠誓益堅子孫期不替朝覲永無愆
賤子生遐域微才自可憐慕華徒景仰居陋獨周旋

學問真疎淺詩書豈貫穿每遭君子至常愧性資顛
語異難承教思歸便式遄懽諧猶未洽別恨苦如煎
贈處將何道逢迎會有緣三韓作蕃屏固圉萬斯年

皇明誕作寰宇清旃毳不復能縱橫西琛南金筐篚
盈頤頽北闕爭來達東方有國隔滄溟爰自箕子風
化行知尊中國有義聲世修執壤無遑寧惟吾老王
賢且英剋除叛亂功乃成高皇曰嘉示寵榮許以王
爵更國名王拜稽首深感銘誓萬子孫為藩城父以
傳子弟讓兄兄辭弟受敦親情竭心一力常斷傾繼

繼益篤翰忠誠今天子嗣真聖明仁濡普寧安群生
溫溫陸郎金玉精裒然遭遇飄長纓親承玉節辭帝
京萬里原隰駢駢征手奉丹詔頒新正鮮鮮羅綺浮
光晶君臣拜受寵若驚齊呼萬歲聲喧轡每懷王事
有常程對酒不飲催歸旌鴨江漫漫鶴野平春風馳
驛如飛星丹墀八奏天必聽海外億萬命生靈永世
皞皞登與耕

送端木待詔使還詩禮

曾陪群彥赴文淵頭上親瞻咫尺天凡骨縱除仙府
籍賜衣猶襲御爐烟賢王寵錫龜經印膚使高才鳳

陽春集卷九
五
翦篇此日喜迎還送別夢隨旌旆到花磚

送章寺丞使還謹

東國賢王孝且仁父傳兄讓篤親親演綸褒獎彞倫
正錫印榮除爵命新漢節却迴天上路越金難作橐
中珍只應咳唾成珠玉清韻琅琅滿海濱

送林行人使還

銅柱扶桑四海遙盛時聲教煥文昭裕孫成德湯傳
甲協帝重華舜繼堯曆改月正尊大統天開星象拱
中霄臨分贈別無長策莫謂吾謀似統朝

濟濟群賢翊聖朝小生曾得近丹霄親承御札文如

漢且識皇儲顙顙堯却到海東聞訪落每瞻天上嘆
於昭夢魂常繞文淵閣誰謂山河萬里遙

送相監生使還

髦士出淮海氣雄才亦馴研窮聖賢學道藝無比倫
皇明啓熙運駕馭皆俊臣九有燦文治鹿鳴宴嘉賓
來遊璧雍裏裒然氣益振絕足自超詣聲名騰縉紳
一朝被綸命頓轡東海濱市駿匪求馬要得驚代麟
我王思無斂有駱且有駟龍媒及鳳臆紫駟與青驂
駟駟盡在野矯矯皆若神考牧獻天厰萬匹如雲屯
長鳴奮鬣鬣足以靜塞塵靡監戎旋軫振策凌清晨

陽子集卷九
歲暮積霜雪行邁良艱辛節義古所重功名當及辰
由來汗血驥千里志一伸去去展高步霄雲登天津
戮力佐時人四海施陽春

題獸醫王名仲遠字說後

名家知子有高才市駿年來已築臺萬里天衢馳絕
足追風逐電淨氛埃

王良相馬世無倫後胤如今有此人皂櫪豈誇毛仲
義三槐鬱鬱更青春

題獸醫周驥彥德字說後

德驥曾聞著魯論如今喜見渥洼孫高才豈是驕駘

伍天厖偏蒙駕馭恩

矯矯天閑萬匹龍曾知逸驥最驍雄肯從鍾上禾芻

老會向明時策駿功

自註右二戰醫從大廉祝少鄉兵部端上事來市馬者也端公

為作字說書于簇以歸乃謂子詩故賦此云

次獨各韻送三道漕轉都體察使林公整

都門祖席動悲歌別恨其如靡監何
看欲貨舟揖用似君材畧世無多

辛巳冬十月初九日

太上王浴于平州溫

井殿下間安次于歧灘其夜微雪

上宮西狩浴溫泉者問宸心日翼然禁衛曉嚴來野

外行厨暮設滿江邊寒聲微洒三更雪暖氣還添萬
竈煙此地昔曾陪羽獵須知今日勝當年

次彌勒堂

野外高風冷天邊短日催溪山隨處好車駕出城來
舜孝一心切湯羅三面開問安非校獵獻賊愧吾才
次溫井用岐灘韵

陰火炎炎煮玉泉浴來肌骨便脩然離宮為設原田
上樹羽來臨野岸邊夜靜令嚴聞漏鼓曉寒人語起
炊烟聖心慈孝無今古曆數應傳億萬年

奉教製進次使臣少卿祝孟獻韵三首

星使遙持玉節過小邦欣感意如何德齊魏蕩天為
大治洽雍熙海不波詔降如綸褒獎極衣分在笥寵
恩多區區館待慙殊薄且向離亭聽我歌

筆力能迴造化春佳章神畫惠來頻風雲八手流形
妙星斗羅宵命意新言動可觀情繾綣容儀便覺氣
清淳圖南一舉天池闊遙望鵬程不可親

奉教製進次祝少卿冬至詩韵二首

使臣御命降中宸一接風儀意轉親粲爛重書光射
日氛氲宮錦暖浮春華夷混合無他道天地生成有
此身幸際復亨時進奉共君齊拜賀今晨

地底陽生節序催
憐君奉使異鄉來
客愁應似添宮
線詩興還如動管
灰舜政已齊修土
穀殷叢當用作
鹽梅公歸有日無
緣住莫厭殷勤酒
盃

代人贈祝少卿使還三首

聖皇端拱九重宸
萬里邊陲見若親
使節來臨宣異
寵群情感激被同
仁從容禮貌人皆
羨妙絕才華世
罕倫添價數旬承
顧盼臨歧送別倍
傷神

使卿綸命布陽春
除海漚霑雨露均
傾蓋笑談新若
舊揮毫飛動妙如
神駟駒運進追風
足懇懇難留許
國身為向舟擇善
敷奏吾王忠順自
天真

祝公英遠固多能萬里遊觀氣益增倏倏片言堪信
脈溫溫禮貌豈驕矜詩應神助知無敵盡通天真見
未曾此日黯然生別恨何時更挹酒如醴

贈送臨清釣隱詩并序

大僕祝公鄱陽之世胄也其先皆以儒雅著稱
公克濟世義好學洽聞其未筮仕也構亭于江
之上扁以臨清絃誦之暇垂餌而漁自號釣隱
蓋釣之為事雖細且鄙焉然以孔子之聖亦嘗
釣而不綱是其待物之仁非截流盡取之可比
且其持竿也必正而固投餌也必徐而審垂綸

也必宜而靜乎必拱坐必危心必定而不馳視
必專而不散然後釣可得而有獲也是於學者
漁獵經史之間息焉游焉動息有養之道不為
無助入子事親養志之需亦所不廢其視庸夫
利於販賣饒於口腹數畧汚池之慘操舟駭浪
之險皆不可以擬倫也是以自古幽人逸士高
潔自守者必於是而自託焉若磻溪之非彭桐
江之客星尤其表表者也祝公初以是自居其
志豈真在魚也哉卜獵之載非所希也物色之
訪非所期也晴朝月夕灝氣滿天垂綸坐散曾

次悠然俯臨長江浩浩清漣與我胸中天理之
流行者混融一體而無間超萬物而獨立付萬
事於忘筌直與沂上詠歸之興同一氣象此其
所以自適其適樂之於心而託之於號者也三
公之貴萬鍾之富舉無足以易之者矣欽遇皇
明奄有四海以道德為竿綸禮義為鉤餌盡拔
天下有道之士而登用之祝公於是奮髯躍鱗
始登仕版躋華踐要為時之良令嗣天子尤加
器任增秩以寵特命持節于海外之國所以重
使事也公乃跋涉山海淹延歲月險阻艱難之

俯嘗賢勞困悴之既極未嘗小有憂愁鬱抑之
態惟孜孜使職是力寬裕自如和易與人臨
清平日所養之趣藹然輒見於辭氣之間至其
發為詩文則清新流麗源源不窮飄然有出塵
之想是則隨吾所處樂無不在天壤之間無往
而非臨清也豈以身之出處地之彼此而易吾
膏中之所樂哉推廣是心以及於物不假濡沫
而使自得於江海可也公將使還不鄙予而徵
詩文故敢以此而進願承教焉

鄱陽江水清且深小亭翼然江之陰有客持竿日

尋志不在漁常獨銚磻溪釣璜垂直針鷹揚雋列誰
能任桐廬客星久已沉凜凜清風吹古今聖賢高躅
留碧潯眠底萬物空蕭森出處殊塗同此心有教千
載人皆欽寂寥不鼓昭文琴胷中至樂無知音臨流
兀坐涼滿衿不覺歲月馳駸駸歛爾微起紆纓簪風
彩磊落傾士林振鬣雄嘶萬馬瘖蒼雲歷井仍捫參
玉皇霄鑑如天臨命掌旁駟園田禽威加北漢南踰
抑射虎遁走皆成擒東遊奇氣增歛舉俯瞰溟涬同
蹄涔當事不敢忘規箴高懷豈受纖塵侵賓庖有魚
炮且燂公燕鹿鳴歌食琴樽前只許魚酒斟囊裏曾

無南越金節旄來趁清霜砧去時方炎乘落萼海外
僻地久滯淫舒憂嘯咏鏘璆琳西歸我思慨釜鬲送
別繾綣情難禁知君天上需傳霖永使萬方枯涸咸
霑淋掃航世世爭輸琛

送端木天使

箕子千年地端公四海名周咨持使節道學振家聲
幸結新知樂那堪別恨生相期誠不淺夾輔致昇平
送周監生使還

蘊籍儒林秀追隨使節來讀書明實學草檄有高才
海國民風古天涯驛騎催此行真特達應得上雲臺

奉敕制進送潘行人使還

帝德如春覆育均小邦偏感被同仁九章寵命頒玄
袞萬歲誠心拱紫宸漢節自能持雅操越金馬得洗
行塵相逢忽忽還相別好去承恩玉殿春

次端木天使詩韵送董監生使還

人生天壤間有志事可必多君抱奇才意氣自超逸
去去佐明時文德冒出日露花紅錦鋪煙柳翠絃密
羨看騏驎賓雲路正奔駛

次天使東八站路上詩韵口號俞士吉

僻在海隅漸陋學曾從天上泛仙槎箕封自古遵王

道舜德如今協帝華幸見車書文軌混何嫌冠蓋往
來賒相逢爛醉真良計百歲人生亦有涯

觀獵奉呈天使三大人

星軺觀獵出都城群馬駢駢作隊行獸竄草間難得
脫禽飛雲表却遭烹三驅正值開羅網四海方臻洗
甲兵此日原頭聊講武騎徒齊奮有歡聲

再用前韵奉呈天使三大人

口宣天詔到藩城有脚陽春見此行德洽敷文來鳳
舞恩寬治小戒鮮烹伊周固已常論道衛霍何須善
用兵曾是三韓非化外願留雄筆振風聲

次天使僉都御史俞公詩韵士吉

征途數日得攀鞍可怕霜威逼骨寒
臨別統朝難贈策逢時貢禹競彈冠
千年際會承三接萬里扶搖在一搏
願為小邦留妙筆珍藏世世永傳看

送內使楊公使還

上林嘉卉本多奇最好風前玉樹枝
昵侍九重承帝眷遊觀萬里達民思
燒香畫舍文儒敬校獵郊原武士馳
共道內臣知惡務合將才畧佐明時

僉都御史俞公使還王命臣近護送鴨綠江邊
士吉

聖朝遣使選才賢御史風威最罕前肅肅乘駟皆止
避遙遙馳駟忽來宣眼中物象三韓地脚底陽春萬
里天從此東人常景慕願母金玉送新篇

洪武二十九年夏內使溫公奉 太祖高皇帝
之命來使小邦我 老王亦命臣近隨車赴京
欽蒙聖恩慰諭而還越三十五年冬溫公又奉
新天子 詔命以來 王又命臣近護送鴨綠

江邊

曾隨旌旆謁天廷又向江頭送使星補主誠深心自
直愛人恩篤骨堪銘天邊寒月孤光白海上群山幾

點青別後相思何日已時時西望數長亭

送王天使使還

自牧齋中隱逸人聖朝來作老成臣
綸音曉降鴻臚列玉節秋過鴨綠濱
行后懷柔恩似海禮成酬酢氣如春
隨車送別還多恨每歷郵亭倍愴神

哭成大司憲石琰

美質兼加學問功材名早出縉紳中
崇林惠化留遺澤柏府威聲振古風
哀毀只緣殫子職蒼蒼正真可恨
天公當時共結同庚契此日傷心豈有窮

送金堤縣令李伯樸

睿想憂民切疇咨擇士精惟君方得郡乃父亦專城
常續明新令乘駟有舊聲均勞無內外政最更飄纓

貢院見杏花用屏上詩韵奉呈諸公

得賢志欲佐邦家两眼冬烘鬢雪加豈念園蔬將播
種不知牆杏已開花易書炫耀迷孤鶯評點淋漓散
暮鴉再掌禮闈慙不分流傳桂苑永應誇

奉教和進 太上王制衣詩韵

東巡北狩御離宮嗣聖時時浚洒風天道孔昭回玉
輦翻然改過美焉窮

送李右使稷奉使

聖代恩光滿海隅
羨君乘駟向天衢
雲中必舉三清鶴
轅下難馴萬里駒
好達群情深感激
還承睿澤更霑濡
公家勲烈期無墜
努力一心忠義俱

送完山府尹尹公坤

巨鎮分南北
完山最是奇
千年鍾王氣
一代啓鴻基
舊俗還淳日
勲臣出宰時
贈言慚鄙拙
聊以慰吾思

送梁秀才允悔歸覲

一葉知秋欲落初
思親汲汲戒征車
風前殘暑收歸路
雨後新涼滿大虛
孤館月明聞蟋蟀
澄江瀆盡打鱸魚
高堂舞彩來須早
鳶鷺翱翔有直廬

陽春集卷九
十五
奉次銀臺諸學士詠梅詩韵

高人偏愛騰天梅，培養盆中最早開。
一榻清香春婉婉，數枝踈影月徘徊。

雪林香動認真梅，不覺寒葩臘月開。
繞樹千回情未足，傍人莫訝又徘徊。

乾坤清氣最鍾梅，冰雪團團滿樹開。
夜靜不辭寒入骨，參橫月落且徘徊。

滿林殘雪一株梅，春意先從冷艷開。
玉兔影高寒更甚，肯容蜂蝶得徘徊。

腸懷鉄石口吟梅，相業能令治道開。
自是廣平風韵

在迨攀高躅莫徘徊

花中巢許是為梅雪虐風高也自開美實可資殷鼎
用豈從林壑獨徘徊

天催春信動香梅萬玉妃皆一笑開似向含章簷下
見競將粧點自徘徊

窓前素質雪耶梅縞袂飄然皓齒開玉貌豈緣羌笛
落瑤臺月下定徘徊

逋仙窓外數枝梅玉蕊輕盈欲盡開
怱悵肘生莊叟柳莫陪群彥統徘徊

自註予方患瘧故云

寒多白屋本無梅病裏昏昏眼倦開
聞說高人憐玉

質為邀詞客共徘徊

送平陽君趙公赴完山

自註時踐為半刺

出宰從來貴多君少壯時殊勲蒙睿睎寬政慰民思
風雪歲將暮關河行正遲臨分憶豚犬苦語不成詩

次獨谷韵賀李代言

升商掌試成均

經術相承積善家每魁蓮榜世傳誇含香且得提文
柄舞彩仍將戴賜花

題柳少年山水圖

方善

墨池龍起雨濛濛石走江翻鬼泣空一陣好風天地
霽分明元化在曾中

青山兩道白雲濃
草樹皆霑閨物功
頃刻解成真態
出信知人可代天工

趙政丞後夫人挽辭

侍中孫配侍中家
世上榮聲豈有過
只得明珠留一顆
却忙奔月伴姮娥

奉次獨谷成政丞

石璚

題李政丞

居易清樂堂

詩韵

世德非喬木
宗盟是泰山
恩光輝日下
義氣薄雲間
治定時堪樂
心清事自閑
安危皆注意
丘壑豈能還
次韵謝兩亭尊義見餉二首

數日同齋宿高懷更眷思頻繁活異味妙絕聽新詩
蕓菜銀羹滑香膠玉罕遲交情真鄭重膠漆永為期
新邑來何寓高樓最可思齋居堪屏迹醉興共吟詩
雨霽青山近天長白日遲登臨多野趣亦足慰幽期
送邊文州覈厚之任

聖主憂民日即君出宰時煩苛應務去寬厚要先施
茂樹孤蟬咽長途五馬馳此行蕪舞彩忠孝兩無虧
癸未正月二十三日大雨

今年正月異他年隔日陰晴雨雪連久訝王峯浮地
上忽驚銀箭滿雲邊詩懷竟夕難排悶病耳通霄耿

不眠但訪比方娘手大誰將理數問蒼天

金典書瞻來過

昔年宮洞日相隨童稚情親更有誰宦路窮通曾信
命聖朝遷擢政逢時精研禮樂知公輩博涉經書辨
信疑自愧持螯難測海竟然門巷喜來思

寄贈金同年摯乞竹

綠竹滿園種高齋幽興長涓涓滋雨露擢擢傲風霜
勁節真同調虛心亦可方請公醫我俗分送翠雲光
漁父辭次雙梅堂用古人韵

長江釣魚者迹與心雙清不自識榮辱何嘗思利名

孤舟獨往還夜泊沙頭宿江楓吹碧烟曉爨綠竹
一竿生涯亦有餘汎汎長隨鷗鷺居高歌濯纓樂在
中忘筌且獲無忘魚

孔岩許公醉而墜馬戲贈一絕漫

許子平生醉度年高風直過竹林賢塞翁墜馬焉知
福好向長途更著鞭

題昭格殿

地湧靈泉淨山藏道境幽經營開寶殿咫尺隔塵區
霄漢仙居迥雲霞鶴馭留度人多妙訣降福永千秋
癸未九月晦奉香宿馬山驛其夜有雨朝望碧

蹄驛墻菊盛開

佳菊誰栽古館傍黃朱錯落滿東墻
消消新沐三更雨粲粲能經十月霜
在驛尚堪稱隱逸
在驛難為作重陽
最憐衆卉皆搖落獨保清寒晚節香

送前知申事權公

執經

出牧尚州

妙齡喉舌荷恩榮寬厚天資有老成
十載田廬閑日月一時門士幾公卿
旌旗出守承新寵雲漢遺黎得再生
去去勉修忠義烈聖朝廊廟任賢英

復用乞竹詩韵寄金同年摯

為問園中竹新梢幾箇長
籜披如點血節露自儲霜

俗士有醫術此君真藥方數莖如得種陋巷亦增光
送張觀察使子忠

慷慨高懷出士林數州遺愛洽民心按臨左部威聲
振秩峻中樞寵渥深黃鉞曉分丹闕下繡衣春照錦
江陰勉旃更展匡時策須使功名冠古今

送酒謝同年金公摯病中來過

宦途奔走雪侵頭十日都無一日休物議難逃尸祿
責鬼呵宜有負新憂乃因枕上身多困却使門前客
不留為遣麴生聊致謝冀憑杯酒洗愁尤

金居士雪中騎牛遊陂岩

雪裏溪山特地奇
遙觀牛背任行遲
皺岩可是非人境
長使儒仙為賦詩

金侍中騎驪訪江西惠表上人

廊廟完材社稷憂
騎驪清嘯到山丘
肯將棹語輕經濟
只可蕭然野外謀

書遙三絕奉呈諸公

玉色臨軒白日明
潭潭廣廈集群英
從容進講操存要
思到無邪即是誠

東帶趨朝近耿光
叨陪清讌講虞唐
寂寥遠院歸來晚
猶自衣冠惹御香

牆頭垂柳颺金絲
殿閣參差畫漏遲
玉案無塵封事少
讀書聲逐細風移

寄監牧諸公

曉日辭金殿
春天放牧場
寧憂風馬逸
免使老農傷
照華山花豔
供厨野菜香
川原隨處好
吟詠興彌長

次雲岩禪老詩韵省敏

塵土難成物
外遊豈思禪
榻幾回頭
何當滿壑松風裏
相對披襟為小留

謫裏曾從海上遊
雲蹤初見寺樓頭
當時不得施衣

別他日唯期挽袖留

自註昔予謫在益州彌勒寺敏公來訪始共相識

次獨谷韵賀金代言利

曾從試士棘園來自幸冬烘尚得才講道每蒙陪王
宰尊賢何羨上金臺天心固重忠言切物望皆期至
治開老我喜懷尤有異公乎更益勉旃哉

次南贊成事在韵贈薛直提學侪

文輔皇儲羽翼成高山晚歲樹聲名已將稽古蒙恩
眷莫歎霜髯滿鏡生

大器曾聞必晚成白頭今得遇昇平宵中兵甲將施

用吉兆先從夢裏生

薛自言嘗夢
帥十萬兵

次獨谷韵賀李代言拜叅知議政外適

早抱才名遇聖知每懷民隱若吾悲上林嘉樹應全
借會見將巢弟一枝

送鈇化監務金泮嘗有思親詩文數篇

宦路思親切鄉開出宰歸一官詩有集三載覲無違
邑裏歌多袴堂前舞彩衣私恩與公義勉子永音徽

陽村先生文集卷之九

陽村先生文集卷之十

次獨谷韻賀尹代言 思修效其體

皇天降才必有試豈要醒吟與醉睡紛紛品彙不
齊萬竅怒號唯一吹大哉王國多俊賢紆餘卓犖有
同異吾觀尹氏尤雄奇相知固自童丱始逮事先子
叨半面優待後生不予棄追陪諸彥醉羣堂置酒招
邀亦嘗被瑤環瑜珥有兩兒跳踉竹馬聯作騎我哉
頭角稍長成白眉最良真非膏學成射策側縉紳蔚
若蘭荃翔翬翠粹面溫溫仁義容撐腸磊磊經史字
往年杖鉞巡郊畿盤錯皆稱遭利器羽翼來輔元良

賚喉舌進居機密地後今大用已有期始信皇天降
才意為告事上須盡忠當官須盡義萬變酬酢一以
貫御馬應須有銜轡挽回世道知子有完材明目達
聰須要致其四博求精擇斷以至公天下之大無
難事子弓子弓益勉旃治道此外非有二重為告曰
治道此外非有二

次雙梅堂見寄韻

時公罷相在臨津別墅

曾從廊廟儼垂紳端合明時輔弼臣學微精微施有
序文探造化妙如神閑居綠野詩添藁獨釣蒼江迹
出塵自愧高官無補效卜隣何日乞吾身

題契氏三節堂詩卷

契氏高昌貴綿綿譜系長一家多積善三節並流光
義不生降賊貞能平守孀童年知割股母病療居育
勉強寧遭變從容自盡常人倫於是至天理乃誦彭
仙桂聯芬馥朝簪揔顯揚見幾行已遠避地智尤良
爵祿崇封邑兒孫永作鄉從今承世美餘慶洎無彊
送東北面都巡問使呂公稱

王國籌維壯賢侯智略雄將壇明曉日祖席動春風
浪靜東濱裡歷收北塞中尹公碑尚在功烈定應同
次李僉書韻送全觀察使伯英

夙昔襟期本自同今朝祖席設城東丁寧持贈無他語須向棠陰似邵公

門生壯元李大諫惠梨以詩答之垠

柳生肘上卧薰床寂寞惟酣睡味長忽得仙梨來大

谷肺肝清勝飲瓊漿自註時方患肩瘡故用柳生之語

次尹叅判司平祗詩韵

累葉蟬貂是世臣以年高步鳳池春既將勲烈藏盟府益竭忠誠佐聖人

次韵寄鄭政堂擢自註時公被劾在城南

江山形勝展新圖中有高人為我呼想得仙醪今正

熟讀禽日日勸提壺

早將忠義佐明時扶植堂堂萬世基一蹶豈妨千里足天教閑裡更工詩

江村寂寞嘆雄辯首常瞻鵠嶺雲會見鶴書將赴隴相逢日醉任黃曛

乙酉正朝賜宴次獨谷詩韵

濟濟群賢似九官聖朝寧有一民寒更霑湛露朝元日不醉無歸要盡歡

乙酉正月十四日夜夢見霽亭先生覺而賦詩

奉呈賢孫參知座下學升適

嘖成珠玉錦堆腸白髮紅顏老益強落月還疑照顏

色泰山堪恨一毫芒吾輩可卜周公夢天道須徵魏

國昌自註用三
相臺故事幸與令孫同政府無省風彩仰流光

金都摠制乞賞
挽辭自註母氏與
弟相緒而逝

高步鴻樞整佩冠天資淳厚且能寬庭闈奉母皆稱

孝尊俎邀賓每盡歡駒隙忽驚西日迫鴿原堪嘆北

風寒積哀成毀嗟何及萬事悠悠已蓋棺

題李使君殷詩卷得相字
自註魯少尉州為倭
所怯不屈至對馬島

生還

慷慨志士懷忠良平生所養真至剛早年操筆題石

堂公卿共嘆才能長宰州仁政追龍黃視民不啻如
已傷勸念海寇來侵疆每欲一掃安黔蒼上相登壇
師律藏威廷陳陳歲扶素頌兇虜魄難走藏稽顙請
降輸肺腸衆心矍矍怯且惟異類欺謾焉可量毅然
赤心欲自當牛酒往勞登賊航蜂屯蟻聚何穰穰好
言中變還猖狂競抽白刃露鋒鋩欲肆蔓毒絲跳梁
忠肝愈烈伸揚揚口宣威德能鋪張賊感不敢加暴
戾共泛滄海天茫茫回頭故國不可望斑衣染薩難
交相並將節義報君王此心耿耿何嘗忘胸中星斗
輝光芒至誠上徹神斯彰生還得瞻天日光咫尺

人欲知此書者請

點點白雪與人衣泉此書最要外請明眼

相求寒門巷日味

清酒琳星封無寒地雪如詩只如春風野竹開高

朱詩此香如雪如詩如詩今具三日豐獻下直

雲如雪如雪如雪如雪如雪如雪如雪如雪如雪

五

樂南李李李李李李李李李李李李李李李李

曾中和張王言惠軒一首十言如日三言

是詩外命如高以轉山直於黃閣詩如

內貳堂藏書

鄧姑公變晴光散風

山勢如飛鳥山中驚歸兮燕士留空而人散矣

金甘霜大戟和惠蠶眠烏雙葉

良野知在歸無悔歲

平生願參長軒老曾得醉雙魚流平地日書經始知

時為貴賤財帛王之恩

望此疾何日除名

莊雅山翁醫養堂主簿張雲龍題

送劉文卿山

送僧之伽倻山

伽倻山色鬱蒼蒼，千載孤雲跡渺茫。
今日送師空恨望，此身何日脫名疆。

謝忠靖道使相烏玉之惠

平生膠漆是陳玄，曾許相携度歲年。
此日書窗欣得見，便呼毛穎寫新篇。

謝金甘露大禪師惠鶴翎扇雙張

仙蹤縹緲海山中，駕鶴冷然上碧空。
為念塵寰多熱惱，故分雙翮送清風。

次內願堂惠扇詩韵省敏

超塵常憚暑得身新深情細細日輪轉轉風氣清
手堪攀桂影耳似聽松聲莫愁秋來樂物環理必生
次韵送文上人歸觀門生周冕并傳

我觀浮圖清俊流每欲冠襟加頂脰吾門周生者且
仁有身亦是禪林秀曹溪一勺早已嘗吸盡西江未
誇富灰心忽復知憶親兩意悠悠雲出岫吾心天理
本自全蘊在方寸包宇宙強欲割愛非所安是時念
慕日相湊是有本源誰使然請君於此宜潛究白觀
豈無施等差知新要在能堂舊行吾輩分豈非外哉
歸君子神明佑莫超倫理更求真此言非虛也信石

次魯客李同年 恒茂詩韵二首

六經俱掃祝公舞
數仞雖窺夫子墻
碌碌功名尸素
甚美君無事日傾觴

魯谷雲深境自幽
仙翁高蹈更無求
春風節殿秋松
菊不顧人間萬戶侯

次韵題吉再先生詩卷

高依重義自輕生
身上簪纓匪所榮
守道充全臣子
節風漢千載永流聲

舞彩欣欣善事生
策名科第為親榮
却緣委質堅臣
節忠孝雙全播令聲

市朝遷革恨偷生况肯身紆組綬榮賴是周家恢大
道西山容得採薇聲

澤上羊裘舊友生徵求誠欲共安榮終然不棄江湖
志要使遐傳節義聲

誠孝格天意禪晨風日清烏啼悲未哺駒隙慟難停
聖制導無墜斯文晦復明良心誰不有感涕為君零
言志寄知申事朴公錫命

牧隱文章罕古今海東千載耀儒林可憐遺胤攜孤
影未刻豐碑有苦心敢望除官承寵命思曰典郡盡
時忱往來近境銘神道猶可治民布德音

自註
種善欲刻

其先人墓碑而未得願為
隣境守令以畢其志故云

乙酉十月二十六日夜夢見鉄原侍中崔公瑩

登高樓與賓客飲酒余在樓下望之吟成一句
云高樓突兀倚青空未就其下公使人招余取
吾胡床而去予遂巡未上而覺是成四韵奉呈
公之孫壻代言孟公以寓景慕之意云

高樓突兀倚青空崔相登臨氣自雄清白傳家能秉
節忠誠許國最多功群仙合向尊前對凡骨寧容席
上同被召遂巡難敢進覺來猶自感予衷

李政堂元紘挽辭

早年攀附竹堂中自與天倫友愛同衫服孝誠盡老
切銀鈎書法逼神工台堦輔政儀無忒貢院掄材鑑
至公今日邦人悲殄瘁為將衰淚灑秋空

病中寄弟直館遇

病裡思親豈暫忘呻吟枕上夜何長堪嗟東逝無停
水可恨西峯欲夕陽五十慕深誠孝至三千罪大聖
謨彰寸丹自愧難披露只願高堂永壽康

謝韓弼善尚德惠牛心

通來調理失平安駸見朝朝舊看盤悅口方需惠芻
豢同心深感似金蘭食蔬豈易逢羊踏求藥誠難得

免肝幸受義之當日炙無魚長鉞不須彈

次張大司成德良謝作林亭記詩韵

嘉樹陰中早結廬下開蓮沼丈尋餘不須汲汲休官
去可仕令宜吊望諸

次韵奉送孔漢城俯承命往韓州書牧隱墓碑

二首碑河浩亭所製

海上多仙境韓山一點青精英鍾淑氣蘊奧發諸經
百世師遺範千秋炳列星勒碑恩命重可比鼎鍾銘
牧翁文冠古河相出監書道學真王佐詞章出聖經
撰碑垂後世綴字似秋星又得漁村筆何誇孔鼎銘

雨亭趙安石惠雉仍有詩次其韵以謝

來詩有四月飛

霜甚可驚如何十月又雷鳴之語

夏霜秋潦已堪驚又使冬雷殷殷鳴天意未知何所
譴合將休戚察民情

聞雷昨夜夢初驚坐久寒雞不肯鳴名位謾高身已
老憂來不禁感懷情

執雉人來喜且驚誦詩如聽鳥嚶鳴渾家得飽烹調
味久客難忘繾綣情

如神剖決鬼猶驚天為明時擇善鳴功大尚存憂世
念仁深常篤濟窮情

題一漚上人詩卷

萬波收處一漚生起滅無蹤海水清固覺還原同大

化肯容輪轉各分明

自註人之死生如漚起滅故云

上洛府院君金公

士衡挽辭

寬厚天資德望尊聖朝開國作元勳
聯翩銖釜藏盟府燦赫金章繼相門
心為憂民常自渴眼因哭子更多
昏蒼天不慙誠難料薤露聲中正斷魂

次韵題近城君金公輅出鎮平壤詩卷

昔年泮水育群芳濟濟冠佩爭光明
就中小金最聰惠風儀峻潔傾諸生
及壯功成位將相案頭經史猶

常橫西都出鎮展雄略國家倚賴如長城溫溫陽春
布惠澤鬱鬱大樹多威聲瞞官吏絕野狐媚按堵民
無棲鵲驚八教復明箕子國三軍齊甫亞夫營宏材
奚啻副公議寵眷自應紆聖情未及瓜期却告瘁歸
朝旋旆催回程腐儒衰晚且多病慚愧不得趨塵迎

耳聾

年將耳順反成聾似聽蛙鳴滿大空人語只看唇自
動客來堪恨意難通不知臧否猶開笑欲辨聲音未
有功恠底病中聰更甚床前聞蟻與牛同

蒙賜御藥仍遣醫官視疾

九重珍劑賜來新，繼遣名醫濟病臣。
仁治生成天罔極，才微報效海無津。
敢辭白骨成糜粉，只有丹心感鬼神。
遺草不言封禪事，願將無逸保千春。

自遣

言非書字欲通難，妻子真同貌與蠻。
兀兀病身微一粒，悠悠愁緒亂千端。
年踰知命豈知命，位在眼官焉服官。
滅耳不聰天降罰，封君厚禄可能安。

聞雨亭趙公璞來問而惠薏苡

呻吟伏枕數旬餘，豈意高軒枉弊廬。
自是交親情最厚，未成會晤恨何如。
應機英邁雄無敵，後善謙恭實

若虛何日醉聞佳句如坐看亭外雨踈踈
明珠升斗有贏餘忽見今朝蒲草廬不畏謗言同馬
子只愁消渴似相如滑流唇上堪供老暖入腸間可
補虛自愧未成瓊玖報誓將相好永無踈

薛自莘承命來灸

薛公承勅忽來前七壯炎炎灸耳邊下手便令毛骨
動侵膚直似肺肝煎燂後天日光先吐烟霏春空暖
已宣儻得對人聞笑語更無他望送殘年

即事

經年閉門卧里巷少來過龍甚癡仍甚慵多病轉多

興居違早晚坐立任歌斜兀兀唯堪睡無心把筆哦
伏蒙 東殿賜柑橘

團團仙萼裏天香顏色玲瓏尚帶霜病眼忽驚看寶
璧渴喉欣得飲瓊漿千奴合向裁時得四老難從擘
處藏一嚼沈疴渾去體感恩唯祝壽無疆

贈金少監

噪

病逢醫手固難哉多謝金公日日来榮衛可調雖已
順聰明既散豈能開浮生似夢身為患暮景如流髮
易衰肘後仙方那可學願乘風馭上瑤臺

自詠

懶慢無堪本不才，况因老病更摧頽。
耳邊蛙樂連空聒，眼底鴉羣逐物來。
白髮不梳，渾似雪；丹心雖在，已如灰。
只將午睡消長日，一枕神遊亦快哉。

賜東陽酒

備虛仙醴號東陽，芬馥醺人自異常。
湛湛春空迷桂影，盈盈曉露裛蘭香。
嘗來漸覺多佳境，飲後方知有醉鄉。
天上酥醺能勝未，從今不羨紫霞觴。

門生鄭還等十一人來問疾

門生來問疾，座主卧難興。
名姓書雖達，言辭接未能。
魂迷真夢蝶，形怯似秋蠅。
猶自甕為辛，無聞愛與憎。

聞館閣諸學士會藝文館有感

病餘深省自堪驚
殆死方能僅得生
兩耳不聞焉用
洗一身雖在已無營
擁衾更怯春寒重
卷幔唯欣曉
日明見說耆英會
文苑幾多金玉振雄聲

即事

三年廢吟久
禪月可歌非
詩律病中進
世情聾後微
髮疎真種種
神瘁轉依依
除却睡鄉裡
吾將誰與歸

偶題

曉窓扶病起
幸此得吾生
痛定頭猶重
身閒意自輕
偶吟詩便就
瞋睡夢還成
乘化聊歸盡
曾無係戀情

書懷

濫向榮班久顯揚
邇來衰病合韜藏
將身直欲比砂磔
有耳不須如鼎鑪
枕上得詩聊自詠
盃中斟酒共誰嘗
春風狂興今猶在
童冠歸來意最長

書懷

布衣之極是封留
愧以非功忝列侯
寵過災生真所畏
年衰病至尚何憂
在床偃仰眠還覺
曳杖逍遙思且游
已得一身閑
日月吾生此外復奚求

夜卧

夜床人寂寂
獨卧思悠悠
幼學老無用
君恩生未酬

曉霜雙鬢改春夢一身浮餘日知多以後今萬事休

見蝶二月二十九日

翩翩黃蝶舞簷榮病眼初看忽自驚尚畏寒威多凜

冽不知時序近清明深深未是花間見栩栩翻疑夢

裡成肩有上掛衣難弄得老寒寧免為傷情益齋以樂府一絕云

晚中春衣料一肩呼朋友入菜花田東馳西走追蝴蝶昨日嬉遊尚宛然

雞雛

愛養雞雛謹護藏知仁遺訓要無忘憐渠不廢晨昏

職在我當餘日月攘夢百直頂安賦命詆丹難與學

仙方古來得失何時了遭縛宜令老杜傷

自嘲

欲閱詩書眼已昏
將從人語耳難聞
吟詩只可因排悶
把筆焉能用著文
偶有有形穀造物
嗒然喪我似離群
更將何事閑胸次
富貴真同一片雲

粉乃彈琴

參差人事本難全
翼足由來賦與偏
盲婢琴中雖度曲
聾翁枕上豈聞絃
清歌妙舞真堪樂
衰疾殘年自可憐
但得悠然閑興味
便同歸詠浴沂天

自譽

吾家多積善
於我最光亨
父作封君貴
兒承駙馬榮

有居何患陋當食不求精尚足供衰老
自毀

吾家多善慶我道不亢亨章句盜名字勲盟叨寵榮
當官曾是曠處事豈能精以此至襄老惡事仁主明

杏花

一林殘雪未全銷曉雨晴來上樹梢嫩日釀成和氣
暖微醺顏色更驕饒

次蹈春宵對月韵

玉斧修成未可期春宵月色勝秋時蘇仙先得予心
樂一刻千金解賦詩

奉寄鄭判事

節時被劾
在仁州

郊畿雖甚逼謫去自堪憐種菜開新園為農課舊田
地偏烟接海野澗草連天莫道恩波阻宸心惠用賢

盆蓮

庭畔難開沼盆中可種蓮泥心抽碧玉水面疊青錢
派自瀟溪出根從華岳連何嫌花未折坐對興悠然

宮主來餉

昭代深蒙再造恩肅雍穠李映紫門謙恭婦道心無
傲淑婉天資禮自存病口忽膏羞有昔衰顏更得酒
添溫閑睢美化知由子曾是中宮儉德惇

一作德
合坤

陽和集卷十
驍興府院君閔公霽挽辭

積善傳家閭閻門巍巍德烈烈照乾坤
館甥早見乘龍
貴宅相仍看駕鶴尊雅量園基邀好客
遺言霽範教
諸昆
呂江水與天濱接餘慶流長永有源

齒落

曾恃年芳兩鬢青無心修煉學黃庭
可憐牙齒落如秋
葉頭上霜來便自零

自詠

耳聾眼復暗齒落舌空存視物已難辨
吐詞焉得吞
聽言常瞶瞶瞋瞋只昏昏身世曾忘久
深居樂避喧

灰湯止渴

自註踏自楊子遺家遺書
去穗及根取其中心神聖燒灰湯

待登去

待飲之

肺渴喉乾苦未痊夜來茶鼎沸山泉急如漏甕沃焦
釜飲似長鯨吸百川兒子為求方藥至僮奴旋作拈
灰煎人索難得上池水願向蘇章古井邊

客至

客至門前不出迎病餘殘喘僅偷生
坐雖信杖還歌倒坐必憑軒得穩
平案上詩書曾掃地鏡中霜雪更
添簪布衣已覺封留是辟穀多補藥未成

要

外裝蒼壁內藏冰善釋枯腸滯氣擬性淨耽曾懷皎
潔體圓終不露飢穠蔓延地上寧容蟻刺在盤中亦
絕蠅堪笑蒲桃州可傳頌為奴僕自難應

豆腐

碾破黃雲雪水流揚湯沸鼎火初收凝脂濯濯開盆
面截玉紛紛滿案頭自幸瓊殄猶不廢何須為黍更
煩求病餘一作幾年日用唯眠食一飽真堪萬事休

蓄菜

十月風高甫曉霜園中蔬菜盡收藏須將肯蓄禦冬
乏未有珍羞供日嘗寒事自憐牢落甚殘年偏覺感

懷長從今飲啄焉能久百歲光陰逝水忙

五加皮

五加稱有五星精十月收根五月莖豈但飲時喚自
潤能令老去眼還明烹茶茶鼎味何苦點入酒盃香
益清倘是仙方真有效衰年齒髮可成嬰

一作長生

五味子

朱實難難綠蔓長酸醅霜後可時嘗山齋採掇勤蒸
曬藥院題封謹護嚴病眼訝看丹鼎粒渴喉欣飲紫
霞漿胸中查滓真堪洗兩腋生風信有方

偶題

學道難成髮已絲
愧將樗櫟玷明時
藥因衰病無奇效
詩為清貧有苦辭
老婦視餐憂吐逆
稚兒得食免啼飢
欲希陋巷簞瓢樂
胸次須除物我私

薦門生前叅軍金知迥

當日叨司考試場
登名諸子荷恩光
數奇有客獨淹滯
仁篤何人能發揚
精敏天資真可用
研窮學問亦知方
明公倘借吹噓力
京職州官揔不妨

蹈來餉

女奴携酒饌云自
蹈家來貧約憐渠
甚怡甘慰我衰人
倫慈孝至家道瑟
琴諧敘水歡復盡
孜孜益勉哉

梨

山巢來從大谷中
盈藍氣味帶霜風
玉膚露洽咽喉潤
金色香清耳目通
苦索何須嫌稚子
珍藏慎莫笑衰翁
千回上樹今難得
老病年來眼不窮

柿

葉落園紅境自深
纈虬遺卵滿秋林
金丹散向千枝結
霞液均分萬顆斟
固籐自能承上澤
含章常用沃君心
牧翁餅道如飛將
破陣功高亘古今

自註牧隱詩云擁飯

南窓志氣昏黑時鄉裏一乾坤決
貳紅柿如飛將破陣能令萬馬奔

薏苡

場圃秋高有嚴登菜間珠實綴如繩老衷已覺病難
療滋補尚思方有徵可向東陵瓜地種何憂南海謗
言與朝來更啜一盃粥欲伴赤松嗟未能

薑

通神去穢德何殊不撤吾曾學聖謨生處陰陽皆欲
脩用時乾濕各相須深藏細壤懷金卵挑入輕籃帶
雪鬢牢落冷齋添氣味莫將三韭笑寒儒

選女

九重思窈窕萬里選娉婷翟簪行迢遞巖峯慚香冥
辭親語難訣忍淚拭還零惆悵相離處群山入夢青

夜坐二首

夜靜倚屏睡病餘筋力疲呼茶澆渴肺覓句撚霜髭
老罷知無用懷藏謾有思愧微功可記列爵添恩私
聖代方興泰吾生已老衰謬蒙稽古力寧有濟時思
病未逢良藥詩難得好辭不眠過夜半我喘僅如絲
謝議政府惠生獐

牢落寒齋疾病纏勉將踈糲養殘年忽承相府恩覃
及驚見家童喜若顛豈是東第來自野却疑已杞隄
後天平生一飯常懷報况飽調和鼎鼐邊

生日自壽

十一月
初六日

茲辰吾以降五十七年秋老喜見孫在貧後婦女憂
病餘猶不死醉後復何求更欲由今日優游卒歲休

次門生金叅贊料詩韵

日向金門得意游御爐香惹彩衣浮講論每欲追三
代懷抱真堪隘九州已喜後茅皆俊又能令止棘絕
朋儔王心啓次誠多益奚啻楊梅可潤喉

次第執義遇詩韵

身世堪驚兩鬢霜餘生焉得問蒼蒼愧將舊學終無
補欲制頽齡豈有方病入膏肓唯未死名縻列爵竟
難藏卯君才力能強健定向明時近耿光

自註東坡
弟子由已

卯生坡稱卯君執
義亦癸卯止故云

螢窓早著讀書功此日堪憐未送窮豈是踈狂違世

道祗應耿介有高風

自註時以言事落戕

憂歡不在榮枯裡進

退唯憑用舍中曉鏡莫嫌頭白早磻溪將問釣璜翁

次第執義詩韻四首轉呈吏曹諸公

經邦燮理致隆功四境黎元絕困窮紫闥雲開瞻白

日黃扉天近播清風凡才盡入陶甄裡寸木皆歸栢

楔中唯有汙溝遺斷在未逢銀漢上槎翁

右上左政丞成公

石驤

開國功兼佐命功仁心常切憫人窮早陪螢榻聞秋

雨今向鵲原惜晚風會議賢力埋獄裡忍教遺斷棄
溝中時來儻被推移力圖報寧無結草翁

右上判書星山君李公稷

眠承綸綽贊王功啓沃嘉謨豈有窮宮漏聲中寤患
露御爐香裡趁輕風每將古聖陳筵上能使群賢入
彀中有弟才堪文翰任可憐長作灌園翁

右上知申事黃公喜

濟濟群賢共效功早將經術各研窮甄明啓事山公
法雅健文章吏部風用物不差權度內搜才盡入網
羅中兄賢人樂吾何敢有弟長為田舍翁

右上叅議已下諸公

次友人畫梅詩韵

窓前偃亞數枝梅常自妍然一笑開可認暗香浮月
動似逢生意趣春回扶疎未見影橫水灑落尚堪寒
入骸羌笛謾教吹欲盡玉容終不下空來

病鶴

鶴聲嘹亮九秋天毛羽摧傷苦弋邊知汝更穿雲漢
去風清月白戲青田

喜聞兒子吉川君又產一男

吾家曾說九封君累世偏蒙雨露恩此日光榮應倍

舊眼前已見兩王孫

春谷次拙詩見寄又用其韵奉答

綿綿愁緒似抽絲
牢落寒齋又歲時
病口苦嫵多食
忌老懷難得盡言
肆讀書學道終無效
辟穀求仙只
忍飢自笑未拋妻子累
每將憂樂撓吾私

復用前韵奉答春谷

老來方覺墨悲絲
身世蹉跎異舊時
二豎欲除寧有術
五窮不去更難辭
賦詩雖拙聊排悶
得食非珍尚
救飢堪羨和風春
谷裡欣欣草樹自無私

送僧遊方

已丑正月作

并錫飄飄萬里遊乾坤渺渺眼前空
心見已三生
了下脚行應一步休皎月分江寧
有碍閑雲出岫自
無求自慚蔽塞如牆面長卧幽齋已白頭

復用絲字韵答安撫制魯生

殘喘微微僅若絲
衰年疾病已多時
悲歡在我猶難
任脩短由天豈可
辭身得長閑唯有
睡家需厚祿不
憂飢寒
玩復珠璣句却
愧胸中未絕私

謝慶尚道觀察使缺城君李公原不臨新大口

魚之惠

衰年多疾病世事轉空疎適口無堪食
擇腸只有蔬

味珍蒙醢卵鱗細得新魚欲謝殷勤意提毫未盡書

立春帖字

已丑正月
十二日

北斗星初轉東風氣已新天心無厚薄陋巷亦青春

謝領議政河公枉駕問病

領府崇班絕百寮晉山勲望泰山高守持剛正堅如
鉄剖析精微細入毫浩浩詞源追李杜巍巍相業鄙
蕭曹哀矜老病仁心切來問窮廬不憚勞

次韵

浩亭河崙

早年豪氣冠同寮積力功成識見高顏樂尋源應
合契周圖得緒豈差毫道心經緯同雲谷詩思波

瀾壓水曹違豫彌留人共惜須親藥物莫辭勞

奉次領議政河公崙感興詩五首

大道寓方冊有誰能服膺庸材甘自棄豪氣好相凌
縱得天資美其如物欲興群邪多勝正此理固難徵
萬化浩無際四時都在春亶聰雖作后輔弼必資臣
燕石寧為寶齊竽易混真知人堯舜病九德竟誰陳
邪正難相合賢愚固異科勿憂譽與毀唯務實非華
志欲承三聖談亶闢二家哀武迷似是貿貿競傳訛
明睿韓山伯文章是性知歐蘇才並立籍湜汗相馳
圃躋功曾缺峯摧禍亦施難將成與敗說盡一篇詩

浩亭真卓立至道已嘗聞正大超諸子休明遇聖君
經邦臻盛治詆佛起斯文多謝沉痾裡佳章幸見分

浩亭詩并錄

邈矣檀君氏鴻荒命始膺箕封施教化燕虜肆憑
凌自爾幾離合徒然相廢興欲為來世鑑無籍可
能徵

降及新羅始猶為太素春結繩知歲月立檄辨君
臣居蒸初開暗文昌欲向真率哉王氏作學校漸
敷陳

先王慕中夏雙翼設初科孰究淵源學爭趨月露

華紛紛為捷徑灼灼各名家珍重韓山老殷勤欲
正訛

前朝好文士撝撝少真知吾道實如寄異端因盛
馳峯談方欲開圃志未能施可惜陶齋子空留數
卷詩

吾衰今甚矣於道未曾聞簡冊初希聖軒裳欲致
君村疎徒速謗志苦不成文敢請陽村子收功到
十分

次許漢城僊詠雪韻

書幌增明報曙光蒼間凍雀絕飛翔紛紛玉屑漫空

涵湛若銀濤遠界無睡穩素齋侵閑戶宴酣梁苑
傾觴從今喜見豎橫瑞飢卧何憂何子桑

次韻謝東北面都巡問使林公整魚肉之患

將相老材萃一身久勞中外獨賢臣如今東海風濤
息最覺明公政化新

牢落寒齋病在身長夜苦厭與君生忍有魚腹含書
至適口欣霑異味新

陽村先生文集卷之十

李兵使宅

并同庫次知金成棟



東洋書院藏

大正十一年四月

四



